

# WANTOK

NIUSPEPA BILONG OL PAPUA NIUGINI STRET

Ernst & Young audited/  
circulation 15,177

36 pes

Namba 890

Wik i stat long Fonde 25 Julai, 1991.

40 toea

## Ol MP no ripot long K15m ilektorel fan



• **Namallu...no gat ful ripot bilong 1989.**

OLGETA 109 memba bilong nesanel palamen i no bin givim ripot bilong K15 milien ilektorel fan mani em ol i yusim long 1989 na 1990.

Ol i save kolim dispela mani olsem ilektorel Maniplan Program Fan (EDPF) o long tok Inglis, ol i kolim "Slas fan bilong

ol MP". Dispela i stap insait long wanpela ripot bilong Edministrativ Sevises dipatmen bilong gavman.

Namel long ol lain husat i no givim ripot bilong ol em praim minista, Deputi praim minista Akoka Doi, Spika Dennis Young, Oposisen Lida Paias Wingti na Fainens na Plening minista Paul Pora.

Ripot i tokaut tu olsem gavman i bin abrusim mak bilong baset long K1,015,000 milien long 1989. Dispela i kamap taim em i givim narapela hap mani gen i go long 21 memba bilong palamen.

Ripot i kam bilong 6 Me i tok moa long 90 pesen memba bilong



• **Wingti...no gat ripot bilong 1989.**

palamen i no bin gat rekot long EDPF mani em ol i bin yusim. Lo i tok olsem bihain long olgeta tripela mun, ol memba i mas givim ripot long wanem rot em ol i yusim ol ilektorel fan mani bilong ol. Bihain ol i ken kisim bilong narapela tripela mun.

Dipatmen i no bin

inap mekim stret ol wok bilong en bikos long 1989, gavman i rausim olgeta helpim mani em i save givim. Na ol i rausim tu wanpela ka em ol wokman na meri i save yusim.

Na long ripot bilong EDPF, olgeta 109 memba bilong palamen i brukim lo bikos ol i no givim ripot bilong 1989, 1990 na namba wan tripela mun bilong 1991 long rot em ol i yusim mani.

Long 1989, wan wan memba i bin kisim K50,000. Na olgeta wantaim i kamap olsem K5,450,000. Long 1990 na 1991, dispela mak i go antap long K100,000. Na olgeta wantaim, em i kamap



• **Young...no gat olgeta ripot bilong 1990.**

olsem K10. 9 milien.

Praim Minista na memba bilong Kokopo, Rabbie Namaliu tu i no givim yet ful ripot bilong 1989, ripot bilong beng, ol EDPF aplikesen na alokesen fom.

Spika Dennis Young i bin givim tasol beng ripot, wanpela ful ripot na nem bilong ol projek

em i givim mani bilong kirapim long 1989. Tasol rijonal memba bilong Milen Be i no givim tu ripot bilong hamas em i bin yusim long EDPF mani bilong 1990. Em i bin givim tasol wanpela ripot bilong PNGBC beng na ful ripot.

Oposisen Lida Paias Wingti i no givim wanpela ripot o pepa bilong 1989 EDPF mani bilong en. Ol rekot i soim olsem em i bin kisim K50,000 sek na soim sampela rekot bilong ol wok i kamap long 1990.

Minista i bosim wok bilong ol turis, Aruru Matiabe i no givim yet ful EDPF ripot bilong 1989.

Ol arapela memba



• **Somare...no gat ful ripot bilong 1989 na 1990.**

bilong Namaliu gavman husat i givim pinis sampela ripot bilong EDPF long 1989 na 1990 tasol i no givim yet ol ful ripot em Gerald Motawiya (helt), Bob Bubeck (hausing), Jack Genia (fores), Pater John Momis (provinsal afeas), Patterson Lowa

i go moa long pes 5

## Ona laikim ol soldia i lusim olgeta Bogenvil

LIDA bilong ol rebel paitman bilong Bogenvil, Francis Ona i tokaut strong olsem ol soldia bilong Papua Niugini Difens Fos i mas lusim ailan.

Ol soldia i mas go na wanpela grup i makim olgeta hap bilong tupela sait wantaim i ken stap bilong toktok long stretim ol hevi.


Ona i bin salim ol dispela toktok i kam long bik-taun bilong Solomon ailan long Honiara. Long dispela hap pas, Ona i tok em wantaim namba tu bilong em, Sam Kauona i no inap sindaun na toktok bilong stretim ol hevi inap ol soldia i lusim ailan.

Em i tok 26 Ogas em i gutpela taim bilong sindaun na toktok gen. Na ol toktok i mas kamap long solwara bilong Bogenvil yet. Tasol Ona i tokaut tu olsem em bai amamas long salim ol mausman i go long Honiara bilong statim ol toktok wantaim ol lain bilong olgeta hap. Dispela ol toktok bai kamap long Fraide, 26 Julai, 1991. Ol lain bilong Inglan Komonwel ov Nesens Sekreteriet.

Dispela ol samting bai inap bagarapim gen laik bilong Papua Niugini gavman long holim ol namba tri toktok long 26 Julai. Dispela em i Namba tri taim nau bilong Papua Niugini gavman long traim toktok na bringim gutpela sindaun na bel isi i go bek long ailan.



**Hailans rotblok** - Ol draiva husat i save ron long Hailans Haiwe i go long bung rot bilong Pangia na lalibu i painim hat long go na i mas stap inap long 5-pela minit. Ol famili bilong wanpela plisman husat em ol man i bin sutim long sotgan na i dai long Westen Hailans tripela mun i go pinis i bin pasim rot na sekap long ol ka.



### DAIHATSU STRONGPELA

DISPELA DELTA TRAK  
I GUTPELA LONG OL  
KAIN ROT BILONG YUMI.  
LUKIM DISPELA LONG  
ELA MOTORS NAU!



*Daihatsu  
Dan*

**ELA MOTORS**

ELA MOTORS I SAPOTIM  
YUN JUNG DO



PORT MORESBY 229400 • LAE 423005 • RABAU 521988 • MADANG 822188 • GOROKA 721844 • MT HAGEN 521888 • WEWAK 822255  
POPONDETTA 797286 • KAVIENG 902132 • KIMBE 835155 • TABUKE 580660 • YANIMO 871254 • PONGERA 580283

MEMBER BEONG BEHNS PHILIPINO LIMITED

EM 3817



# Ol memba i kisim nating K130 long olgeta de long kibung

PLANTI ol Memba bilong Palamen i lusim planti ol de bilong kibung, tasol ol i wok long kisim yet K130 pe bilong kamap long kibung long wan wan de.  
Wantok i kisim sampela ripot bilong amas ol memba i no kamap long kibung taim Palamen i stat long 9 Julai i

kam inap nau. Dispela em ol de na amas namba bilong ol memba i no kamap. Tunde 9 Julai 16 i no kamap  
Trinde 10 Julai 12 i no kamap  
Fonde 11 Julai 13 i no kamap  
Fraide 12 Julai 30 i no kamap  
Tunde 16 Julai 16 i no

kamap  
Trinde 17 Julai 9 i no kamap  
Fonde 18 Julai 15 i no kamap  
Fraide 19 Julai 43 i no kamap  
I no gat kibung long 23 Julai bikos em i holi de. Tasol i gat ol memba husat i lusim kivung long i wik olgeta. Ol dispela memba

em Bernard Vogae (Kandrian-Glocester), minista bilong Hausing, Bob Bubec (Not Flai) na Theo Tuya (Usino - Bundi).  
Memba bilong Rabaul, John Kaputin i no kamap long kibung i stat long Fonde long namba wik bilong kivung. Memba bilong Enga, Jeffrey Balakau i

lusim olgeta de bilong namba tu wik. Memba bilong Dauilo, Gai Duwabane i kamap tasol long wanpela de long namba wan wik na tupela de tasol ong namba tu wik.  
Jacob Lemeki (Samarai Murua), Parry Zeipi (Saut Flai) na Timothy Ward (Bogia) i no kamap liklik long wan-

pela de long namba tu wik.  
Maski ol memba i lusim dispela ol de bilong kibung, ol i kisim K130 olsem pe bilong wan wan de kibung. Ol i kisim pe bilong haus o hotel, kaikai na pe bilong balus. Dispela ol mani i karamapim ol wiken na olgeta Mande we Palamen i save

malolo long en.  
I gat ol wokman bilong Palamen i save makim ol memba husat i kamap na husat i no kamap long kibung buk. Taim husat memba i no kamap, ol i no inap long painim em bikos ol i save olsem ol memba i no skul manki we bai ol i ken painim ol.

## Lotu bilong tingim tupela soldia i dai bai kamap long 26 Julai long Marray Bareks

LOTU bilong tupela soldia i dai long 18 Julai long Bogenvil bai kamap long haus bilong ol ami long Marray Bareks long Mosbi long 26 Julai.  
Tupela soldia ya em Praivet Agi Paru, husat i gat 18 krismas bilong Tubuserea viles long Sentrel provins na Robert Mana, em i gat 22 krismas bilong Malmaluan viles long Is Nu Briten provins.  
Ol ami yet bai planim bodi bilong Praivet Paru long matmat

bilong ol long Taurama long Fraide. Tasol bodi bilong Praivet Mana bai go long Rabaul. Balus bilong ami bai karim i go na bai ol i planim em long Malmaluan viles yet long 27 Julai.  
Komanda bilong PNG Difens Fos, Brigidia Jenerel Rokus Lokinap i no tokaut tu long em bilong narapela soldia na plisman i bin kisim bagarap long las wik Fraide.  
Ol ami na plis i no tokaut yet long nem

bilong dispela tupela man ya yet inap long ol i tok save long ol famili bilong ol. Dispela ol hevi i kamap nau i mekim namba bilong ol sekyuriti fos memba i dai long Bogenvil i go antap long 21 olgeta.

## Ol Goilala bai bringim askim pepa long palamen tude

OL GOILALA i no bin protes olsem ol i tokaut long las wik tasol wari bilong ol bai kamap long palamen long wanpela petisen o askim pepa long tude.  
Memba bilong Mosbi Not Is, David Unagi bai bringim dispela wari bilong ol long David Bawai i go long Palamen. David Bawai em wanpela biknem raskol ol plis i sutim indai long las wik. Wari bilong ol Goilala manmeri olsem ol plis i wok long kilim tasol ol Goilala manki.  
Ol manmeri i bin tingting strong tru long protes,

tasol long Trinde moning ol i bin bung long Mosbi haus sik na painim olsem i no gat planti manmeri i kamap long holim mas. Olsem na ol i kisim bas i go long palamen.  
Ol mausman bilong ol i bin givim petisen long memba bilong Mosbi Saut, Albert Karo long bringim i go long palamen long Trinde moning. Tasol Karo i no hariap long tok save long Spika olsem pepa bilong ol i ken stap insait long program bilong Trinde kibung.  
Samting olsem 60 Goilala manmeri i bin kaman long palamen tasol bikos Albert Karo i no bringim kamap wari bilong ol, ol i pasim tok long kamap gen long tude.  
Tasol mausman bilong ol i tok ol i no amamas long pasin em memba bilong Nesenel Kapitel Distrik, Sir Hugo Burghauer i mekim long ol. Ol i bin lukim long Fraide las wik long givim sampela helpim long salim bodi bilong Bawai i go long ples.  
Sir Hugo i tokim ol olsem em bai helim ol long gutpela samting. Tasol long dispela kain nau ol i laikim mani long en, em bai em i no inap helpim.  
Tasol ol mausman i tok Sir Hugo i mas save olsem ol Goilala i stap nabaut long Mosbi i votim em long kamap memba. Tasol nau em i mekim olsem long ol, ol bai i no inap long votim em long 1992 ileksen.

## Ol ausait woka bilong Elcom statim tu yunien

OL WOKMAN na meri bilong Elom nau i gat wanpela yunien bilong ol. Nem bilong yunien em Elcom Technical Staff Association (ENTSA).  
Industriyel Reijstra, Bunam Damon i tokaut long ENTSA long wanpela bung long Islander Hotel long Mosbi long 20 Julai.  
Dispela yunien i karamapim ol wokman husat i wok long teknikal sait bilong Elkom. Em i no karamapim ol manmeri i wok long ol opis.  
Jenerel menesa bilong Elkom, Patrick Amini i tok bikpela tingting i bilong em sampela senis insait long Elkom yet, tasol em i no inap long mekim em yet. Em i laikim sapot na helpim bilong ol yunien.  
Em i tok wanpela bikpela samting tru em wok namel long yunien ol na menesman i mas gutpela. Amini i tok dispela i stat pinis we menemen wantaim yunien i orait long holim ol kibung wanpela taim long wanpela mun.  
Dispela em bilong mekim bai tupela sait wantaim i save long wanem ol samting i wok long kamap na bai i no gat planti hevi.  
Presiden bilong ENTSA, Joe Basse i tok namba wan samting em ol bai lukluk long en em pait long kisim haus bilong ol memba. ENTSA bai pait long olgeta memba bilong ol i mas gat haus. Antap long dispela em ol narapela samting ol memba i laikim.  
Basse i tok planti hevi i save kamap namel long menesman na ol yunien bikos i no gat gutpela wok bung wantaim.

## Ol nes winim sta olsem woda meri

WANPELA woda meri i bin kisim sevis sta namel long ol man long Bihutu Korektiv Institut long Isten Hailans provins.  
Dispela meri em Yawaso Gole bilong Boana long Morobe provins husat i marit na i gat tupela pikinini. Em i stap wok inap 10-pela yia nau wantaim ol korektiv institusen long kantri. Long 1970, em i bin stap wok olsem wanpela nes, tasol em i senisim dispela tingting long mun Me 1981 na kamap woda.  
Yawaso i bin lusim CIS koles long Mosbi na i stap wok trening long hap. Long 1984, em i lusim Mosbi na i go stap long Bundaira long Kainantu inap long tripela yia. Bihain em i go stap wok wanpela yia long Madang na long 1988, Yawaso i go long Goroka na stap wok inap nau.  
Namel long ol dispela narapela 13 man husat i bin kisim sevis sta wantaim Yawaso em man bilong em, Wesley husat i wok wantaim CIS inap long 15 yia olgeta.



• Yawaso wantaim man bilong Wesley na yangpela pikinini meri bilong tupela, Anna husat i gat 4-pela krismas tasol. Bikpela pikinini man bilong ol i gat 7-pela krismas nau. Poto: Sape Metta.

**Sports Trophies**  
for sale SPECIAL 30% OFF

**ALU SIGNS** PTY LTD  
PO BOX 7081, BOROKO PH: 25 4800  
STORE: NEAR BOROKO POLICE STATION

**FRI BAIBEL KOS**  
YU KEN KISIM SKUL  
LONG SALIM PAS  
Salim nem na edres long: WORLD BIBLE SCHOOL, Dept. VD22,  
P.O. Box 9346, Austin, TX 78766 USA

**TORO**  
TRAK BILONG TORO IBAGARAP LONG ROT... OIL I LIK NA TORO GO DAIN SEKIM...

**EM GO ANANIT LONG TRAK NA FIKSIM I STAP...**  
BLARI G\*?!! GIA BOKS I BRUK YA!

**TUPELA RASKOL I RONA-WE LONG POLIS NA OL I GO KAMAP LONG HAP PLES TORO I FIKSIM TRAK...**  
HEY, BRAS! LUKIM TRAK I STAP... YUMI STILIM, A?  
SANG YA!!

**TUPELA INO SAVE OLSEM TORO I STAP ANANIT LONG TRAK...**  
HA! HA! KI I STAP TU LONG KA YA!  
HARIAP! STATIM NA YUMI TEK OFF!!  
BRUUM CLUNK!  
WA ?!?

**TARANGU TORO I KISIM TRIM STRET... OLGETA OIL I KAPSAIT LONG PES BILONG EM...**  
G\*?!! Z KAMBEK! GIA BOKS BAGARAP YA!  
TASOL TUPELA RASKOL INO GO LONG WE NA OL POLIS! NEKIM OL...





## TU MINIT TINGTING

## DIWAI I WOK LONG STING NAU

"Diwai i sting pinis i save karim kaikai nogut." (Mt 7:17)

NABAUT long yumi, yumi inap lukim kain kain samting bilong yumi i sting pinis. Pastaim yumi lulim wanpela han bilong mango i sting na i dai pinis. Nau yumi lukim ol anis i kaikai pos bilong haus, nau em i no moa strong; em i sting pinis. Lata bilong haus tu i sting. Na tu wanpela kanu i slip long nambis i sting na i gat hul pinis.

Na long bodi bilong yumi yet, sampela taim sua i kamap na hap skin bilong yumi i sting. Yumi ting long tit bilong yumi gat hul na i wok long sting nau. Yumi ting long nil o rif i skrapim lek bilong yumi na bikipela sua i gat smel nogut i kamap.

Sapos wanpela hap bilong tri o bilong bodi i sting, em i no isi long stretim bek. Sapos mi katim tri o lek bilong mi, tri na bodi bilong mi bai groim nupela

skin i karamapim dispela ples. Tasol sapos i gat wanpela sua o wanpela hap i sting, tri o bodi i no inap karamapim. Nogat. Sori, yumi mas rausim hap i sting; yumi mas katim o skrapim o kukim wantaim strongpela marasin. Na ol dispela i save givim pen.... Yumi mas rausim olgeta hap i sting. Sapos nogat, bai em i kam bek na wokim bikipela hul moa long tri o long lek bilong yumi.

Olsem hap bodi bilong yumi em inap long sting, olsem tasol na sol o spirit bilong yumi i stap insait, em tu em inap long sting. Em i save sting long kain kain pasin nogut i bin gro insait long en. Ating yumi man/meri bilong giaman o stil o spak o kaikai tumas. Ating yumi man/meri i no moa bilip long God; o yumi selpis na yumi save tingting long

skin bilong yumi tasol. Yumi no kea liklik long narapela manmeri. Ol dispela kain samting i olsem sua i sting insait long spirit o sol.

Namba wan lo bilong stretim samting i sting pinis em i dispela: yumi mas painimaut pastaim. Sapos wanpela hul i wok long kamap long tit bilong yumi, pastaim yumi no pilim. Tasol bihain em i go daun inap long rop bilong tit ra i givim pen, nau yumi save pinis. Ating lata bilong go insait long haus i mas pundaun pastaim, na nau tasol yumi save ol diwai bilong en i sting pinis. Tasol yu lukim: em i bihaintaim tumas.

Painim pinis, nau yumi mas kirap kwiktai na stretim bek dispela hap i sting pinis. Na i gat wanpela lo bilong en: yumi mas katim o failim o skrapim o kukim

olgeta hap i sting pinis inap yumi kamap long hap diwai o hap bodi bilong yumi i gat laip.... Na dispela i save givim pen. Sore. Tasol i no gat narapela rot. Sapos yumi no rausim olgeta hap i sting pinis, bai em i pinisim tri, o em i pinisim bodi bilong yumi. Yumi inap simenim hul long tit na hap bilong tri i bin sting bipo. Yumi inap karamapim sua i drai pinis wantaim skin kalap.

Long sol na spirit bilong yumi i wankain. Pastaim yumi mas painim na pilim olsem: yumi gat kain kain rong, kain kain pasin nogut. Nau yumi mas wok long pinisim o rausim dispela sua i stap long spirit. Yumi i no inap long karamapim em nating tasol.

Wanpela we bilong pinisim pasin bilong dring o giaman o



FR FRANK MIHALIC

stil o tok baksait em i dispela: Yumi mas mekim strongpela promis long yumi no ken mekim moa dispela samting. Orait, olgeta taim yumi brukim dispela promis, yumi mas pe long dispela: yumi mas givim wan kina long Sande lotu. O yumi mas givim dispela pe long meri bilong yumi, o long man bilong yumi, o long papamama bilong yumi. Yumi mas givim pen long yumi yet, bilong skulim bodi long bihainim gutpela laik bilong yumi. Olgeta taim yumi fel, yumi mas pe long dispela. Yumi mas pilim pen.

Sua long tri o long bodi o long spirit, em inap pinisim em. Yumi mas rausim em; em i no ken stap.

## Ol yangpela SDA i bung long amamasim spesel de



• Ol lain Seven De Edventis Sios long olgeta hap bilong wol i amamasim, wanpela wanpela spesel de ol i kollim long "Pathfinder Club" long Fonde 18 Julai. Dispela em wanpela grup bilong SDA i save bungim ol yangpela na laikim long ol kain kain samting long helpim ol yet. Em i wankain tasol ol "Scout na "Girl Guides." Tasol antap long ol dispela samting ol i lainim, ol i skul tu long we bilong stretim soul bilong ol. Long poto em sampela ol yangpela i kamap long kain skul long Tu Mail Edventis Sios long Mosbi. Memba bilong Mosbi Saut, Albert Karo i kamap tu long dispela de wantaim famill bilong em.

## 32 pipel skul long skulim ol pikinini husat i lain long rit na rait

LAS mun 32 pipel i kamap skul long we bilong tismol ol pikinini long ples, na redim ol long go long skul.

Olgeta dispela 32 pipel i bilong Summer Linguistics (SIL) long Aiyura, Isten Hailans provins. Ol i bin skul long 5-pela de olgeta.

Nem bilong dispela skul o woksop ol i stap insait long en em Childhood Edukesen Woksop. Dispela woksop i bin stat long 17 Jun, 1991 na i go pinis long 21 Jun, 1991.

As bilong holim dispela woksop em long givim moa save long ol manmeri husat i kamap long woksop long plenim wok bilong ol long tis.

Sampela samting ol i lainim em we bilong tismol ol pikinini husat i bungim krismas bilong lain long rit na rait. Ol i lainim stail o pasin bilong ol pikinini, ol samting ol pikinini i save laikim long pri skul, wok bilong tismol ol pikinini, tokim gen ol pikinini long stori, sampela liklik metimetiks o namba na sampela moa.

Sampela saveman i kisim wan wan kos, na

skulim ol manmeri husat i kamap long woksop ya. Olpela tisa bilong Ukarumpa, Sheila Veatch i tok tok long Konferens Raiting.

Sheila i skulim ol manmeri tu long we bilong stori long ol pikinini, na i givim sampela tok piksa tu.

Cain Ruruk bilong PNG Bible Translesen Asosiesen i kamap tu, na i givim sampela skul.

Em i skulim ol manmeri long we bilong mekim wanpela stori bilong Papua Niugini long stori lain o komik stail. Gutpela piksa bilong dispela em long ol stori bilong Buk Baibel.

Ol manmeri long woksop i mekim wanpela lukluk raun tu i go long kindagaden na pri skul long Ukarumpa.

Sherry Day na man bilong em, Bill i kamap tu long dispela woksop. Tupela i save tismol ol pikinini krismas bilong ol i stap namel long 7 na 8 krismas long Faiwol tok ples bilong Westen provins. Sherry i tok, "Mipela i amamas tru long dispela woksop. Woksop ya i givim mipela kain kain aidia, we i ken helpim mipela long tismol gut ol pikinini.

## Ol papa graun laikim K54,000 kompensesen

OL papa graun bilong Lemieng insait long Aitape distrik Sandaun provins i gat bikipela hevi bilong graun i stap yet. Bikos kot i no stretim yet hevi bilong graun namel long ol na gavman.

Mausman bilong Lemieng pipel, Eward Sani i singautim nau Primia Egbert Yalu wantaim gavman bilong em long painim wanpela gutpela rot bilong toktok long graun ya.

Sani i tok moa long 300 kot bilong graun i stap yet wetim gavman long lukluk na stretim. Planti hevi bilong graun i stap pinis long han bilong ol atoriti planti yia i go pinis. Na tu planti graun i no go yet long han bilong ol papa graun yet na gavman i no baim yet graun em i kisim long ol pipel bilong Lemieng.

Gavman i no baim graun yet bikos

em i nogat mani. Olsem na primia Yalu na gavman bilong em i mas painim mani na stretim dispela hevi. Nau yet planti papa bilong graun i dai pinis, tasol toktok bilong graun i stap yet.

Las yia gavman i rausim ol man bilong toktok namel long pipel na gavman. Na em i givim dispela wok long han bilong viles kot long stretim. Sani i kros. Bikos planti kot bilong graun i stap longpela taim nau.

Olsem na ol pipel i laik kisim lo i go long han bilong ol. Sani i tok bikipela rong i stap long provinsal gavman olsem na planti hevi bai kamap yet.


Nau ol pipel i askim gavman long baim K54,000 long pinis bilong mun Julai. Na sapos gavman i no baim dispela mani, ol bai i pasim Aitape haikul.

# TOYOTA STOUT



## K13950

### BAIM TASOL NA DRAIVIM IGO!



NA HUSAT OL MAN MERI BAIM WANPELA STOUT KAR NEMEL LONG  
10 JULAI NA 31 OGUS 1991 BAI GO INSAIT LONG LAKI DRO RESIS  
BILONG WINIM WANPELA YAMAHA EF2500 JENEREITA. PRAIS BILONG  
JENEREITA INAP LONG MAK BILONG K1250!

HARIAP NAU - I NO PLANTI STOUT LONG  
DISPELA SPESEL K13950 DRAIVIM I GO PRAIS!  
LONG MT HAGEN TASOL

 **TOYOTA**

## Ela Motors



• Chieng Sung Liew i haitim pes bilong em na i go insait long haus kot long Sidni, Australia long las wik. Chieng i bilong Esia. Em i sanap nau long kot long sas bilong kilim wanpela dokta bilong katim lewa bilong ol man. Nem bilong dispela dokta em Victor Chang. Ol i skruim yet kot bilong em.



• Ol wokman bilong BCCI em ol bos i pinisim i protes ausait long Beng bilong Inglen long las wik. Ol i protes long kism kompensesen mani long dispela. BCCI em wanpela bikpela beng husat i save sapatim ol liklik kantri olsem PNG. Tasol bisnis bilong em i bruk daun, na ol i rausim ol wokman nau.

## 6-pela Krosia pipel i dai long birua

RIPOT i tok 6-pela pipel i bin dai long pait namel long ol Serbia na Krosia long kantri Croatia.

Long ol dispela 6-pela pipel em tripela lokol plisman. Tripela plisman em ol i sutim ol long baksait long nait. Dispela em long taim ol i patrol long isten taun bilong Daruvar.

Long Lovina, wanpela ples klostu long Adriatic long Serbia, wanpela meri i bin dai. Dispela meri i gat 67 krismas olgeta. Dispela birua i bin kamap bihain long sampela paitman bilong Serbia i go insait long ples, na i katim pawa na telepon lain.

Long Vukova, isten rijon bilong Slovenia, wanpela man i bin dai long sot gan taim em i sanap long windo bilong em. Long taun bilong Borovo, ol i painim bodi bilong wanpela man Serbia.

Bikpela pait i kamap nau long Krosia namel long liklik grup. Dispela em long Jun 25, 1991 taim Krosia i makim olsem em i kamap kantri bilong em yet pinis.

Slovenia tu i makim olsem em tu kamap kantri bilong em yet pinis.

## 4-pela Afrika kantri i sot nau long kaikai bikos long bikpela san

DISPELA poto long raithan i soim tupela pikinini bilong Afrika husat i bun nating tru. Bikos i nogat gutpela kaikai, wara na ol arapela samting bilong kamapim gutpela sindaun na helt.

Wanpela ai dokta

bilong Australia, Profesa Fred Hollows i bin wok long Afrika long longpela taim tru. Em i wok wantaim ol Eritreans, na i save gut tru long ol dispela Afrika pipel long ol arapela.

Bekim bilong dispela, gavman bilong Aus-

tralia i luksave long hat wok bilong em na givim em wanpela mak long wok helpim bilong em i go long ol Aborijines na Eritreans. Aborijines em ol asples blekskin pipel bilong Australia.

Nau yet bikpela san i kamap na ples i drai

nau long Etopia, Sudan, Somalia na Mosambik. Ripot i tok moa long 27 milien pipel i sot tru nau long kaikai.

Ripot i tok dispela birua i winim tru olsem bilong 1984 i go inap long 1986.

Nau yet 9-pela bilong bikpela grup long Australia husat i save helpim long ol kain birua olsem i bin tokaut long bungim helpim long 26 Julai, 1991.

Dispela askim i bilong bungim K2 milien long

putim i go antap long ol arapela helpim i kam long arapela kantri.

Olgeta dispela helpim bai i go long sapatim ol pipel long Afrika.



• Dispela em ol bikhet dok tru "bull terries". Tasol em i mekim pren nau wantaim yangpela Tom McGattin bilong Australia. Tom i bungim dok nogut ya long 8-pela wik i go pinis, na tupela i kamap gutpela pren nau. Nem bilong dok ya em Barry. Wanpela saveman i tok dispela em ol dok nogut tru bilong pait long man.



• Wanpela mama bilong kantri Potugei i yusm donkl long wokabaut. Biktaun bilong Potugel, Lisbon i gat planti ka na arapela ttrenspot olsem balsikol. Tasol planti pipel i yusim yet ol olupela ttrenspot olsem donkl, na katim sot kat sapos ol i laik go haraip long wanpela hap. Bikos ka i planti tru na bai yu ran isi isi tru.



# Yangpela 14 krismas skul meri kamap mama



• Namba wan poto bilong Louise, yangpela mama husat i gat tupela pikinini nau. Louise i gat 11-pela krismas taim em i karim namba wan bebi.

DISPELA em namba wan poto bilong yangpela mama husat i gat 14 krismas tasol.

Nem bilong meri ya em Louise Pisani. Louise em wanpela yangpela skul meri bilong Inglen, na em i karim namba tu pikinini meri pinis.

Louise i karim namba wan pikinini taim em i gat 11-pela krismas tasol. Nem bilong bebi ya em Charlotte. Em i tok long dispela taim em i no save long pasin bilong slip wantaim man, na ol meri i save karim pikinini olsem wanem.

Namba wan taim Louise i pilim narapela kain pen long bel taim em i pilai long skul. Dispela em bihain long Louise i bin mekim pren, na slip wantaim wantaim famili pren husat i gat 17 krismas.

"Taim mi harim olsem mi bai i karim wanpela bebi, mi pilim olsem het bilong mi i raun," em i tok.

Narapela de ol i salim Louise i go long haus karim we ol yangpela mama i save stap long en. Louise em yangpela tru long olgeta mama.

Sotpela Louise i karim bebi pinis, na long sampela mun em i stap long haus wantaim bebi bilong em. Na bihain ol i salim em i go long skul long wanpela skul bilong ol yangpela mama.

Louise i tok taim Charlotte i gat 12-pela mun, em i pilim olsem em i laik ranawe i go long narapela

hap.

"Mi laikim Charlotte, tasol mi laik amamasim laip bilong mi tu olsem wanpela pikinini," em i tok.

Louise i gat bel gen taim em i gat 13 krismas. Dispela em bihain long em i prenim dispela sem boi gen.


Yangpela Louise i tok em i pilim olsem em i laik pren na slip wantaim ol yangpela man.

Papa bilong tupela pikinini bilong Louise i stap aninit nau long 18 mun probesen. Dispela em long slip wantaim meri husat i no abrusim krismas olsem bilong bikipela meri yet.

Louise i tok em i painimaut olsem em i bel gen, na planti taim em bai patim bel bilong em. Bikos em i no laik karim namba tu bebi.

Papa na mama bilong Louise i kalap nogut taim tupela i harim olsem pikinini bilong tupela i bel gen. Tasol tupela i amamas long kisim namba tu bebi na lukautim. Papa bilong Louise i wok olsem wanpela teksi draiva.

Louise i tok, "Taim mi holim Melissa long namba wan taim, mi laikim em olsem pikinini bilong mi olsem mi bin holim Charlotte long namba wan taim." Melissa em nem bilong namba tu pikinini.



• Wanpela soldia i wokabaut na lukim ol mak long wol bilong Amerika Ami bes long Filipino Allan. Filipin na Amerika gavman i redi nau long toktok long bihain taim bilong dispela ami bes. Tasol klostu long dispela ami bes i gat wanpela maunten paia, Maunten Pinatubo.

Sapos dispela maunten i pairap, dispela bai i helpim tru kraik bilong ol Filipino pipel long rausim Amerika ami bes long kantri.

## Ol plisman sapatim ol Zulu long egensim Mandela

SAUT Afrika i tokaut long Fraide olsem plis i sapatim Inkatha Fridom Pati bilong ol Zulu pipel. Inkatha Fridom Pati em bikipela birua bilong narapela bikipela blek grup, Afrikal Nesenel Kongres (ANC).

Nelson Mandela em presiden bilong ANC. Na Zulu em wanpela bikipela wan pisin insait long Saut Afrika.

Lo na Oda Minista, Adriaan Vlok i tok ol plis i sapatim bikipela bung bilong Inkatha Fridom Pati wantaim sampela bikipela mani. Dispela em long 1989 na 1990.

Mista Vlok i tok tu olsem ol plis i bin sapatim tu sampela grup olsem Yunaitet Wokas Yunien bilong Saut Afrika (UWUSA) long egensim ANC.

Vlok i tok dispela helpim i no bilong sapatim wanpela politikel grup. Nogat. Dispela helpim i bilong brukim ol dispela grup.

Vlok i tokaut olsem bihain long wanpela ripot we i tok Saut Afrika plis i baim K90,000 long Inkatha Fridom Pati i holim tupela bikipela bung bilong en long Natal provins.

Sif bilong Inkatha, Buthelezi i tok em i no save long dispela samting.

ANC i bin sutim tok long plis long sapatim ol Inkatha sapota long pait wantaim ol sapota bilong ANC, we moa long 5,000 pipel i dai pinis. Tasol plis i tok strong olsem dispela i no tru.



• Wanpela paitman bilong Krosia i lukautim ples bilong em egensim ol paitman bilong Serbia long Yurop las wik. Krosia i bruk lusim Yugoslavia, na i tokaut olsem em i kamap wanpela independen kantri pinis. Tasol long Krosia yet em bikipela pait i kamap namel long ol Serbia na Krosia pipel.

## Wel kapsait long solwara

WANPELA sip bilong karim wel i bin pinim birua na kapsaitim namel long 10,000 na 20,000 long solwara. Birua ya i kamap klostu long nambis bilong Westen Australia.

Ripot i tok dispela em i namba wan taim bikipela namba bilong wel i kapsait olsem long solwara bilong Australia.

Ol saveman bilong kain kain hap olsem long Yurop i kamap nau long Australia long helpim. Bikos dispela birua bai i bagarapim laip bilong planti abus olsem pis long solwara.

Longpela bilong wel we i kapsait pinis long solwara em 12-pela kilomita olgeta. Na bikipela em wanpela kilomita.

Dispela birua bai i bagarapim bikipela milien doka kindam indastri o bisnis bilong Westen Australia nau.

Nem bilong sip husat i painim dispela birua em Kirki. Kirki i painim dispela birua long 18 mail longwe long Kevantes taun. Kevantes i stap 200 kilomita longwe long Pert.

Ripot i tok tripela wel tang long fran bilong sip i bruk na wel i kapsait. i no longtaim paia i kamap long sip. Dispela birua i bin kamap long Sande 21 Julai, 1991 long moning.

Kirki i save karim 15 tang wel olgeta. Na tripela i bruk pinis na kapsait i go long solwara.

Nau yet ol opisal i no save long wanem as na paia i kamap.

Ripot i tok 37 wokman bilong sip em ol helpim wokman i yusim helikopta na karim i go long Kevantes na Jurien Be. I nogat ripot bilong bagarap o samting olsem long ol.

Dispela birua i bin kamap long 38 minit i lusim 5 klok moning (5.38am) long Papua Niugini taim.



• Wanpela blek Amerika soldia i putim flek long helmet taim ol i go pait long Kuwait egensim Irak. Las wik presiden George Bush i makim wanpela blek lida, Clarence Thomas i go long bikipela posisen bilong Suprim Kot. Na planti blek skin pipel long Amerika olsem yangpela soldia long antap i amamas tru long dispela.

# Kefiu karim kaikai nau long Westen Hailans

Dia Edita,

Mi wanpela man Hailans long Westen Hailans provins, na nau mi stap long ples.

Mi laik tok bikpela amamas i go long wok bilong kefiu long Westen Hailans provins. Mi lukim wok bilong plis na ami i bung wantaim na stapim tru pasin raskol na bikhet long provins.

Mipela ol lapun bilong ples i no pret nau long ol

## Pasin bilong opim haus lotu i no gutpela

Dia Edita,

Mi wanpela manki Siassi long Morobe provins, tasol nau mi stap long Kimbe taun long Wes Nu Briten provins.

Mi laik komplem long pasin mi lukim long taim mipela i opim nupela opis long Kimbe. Long kain taim bilong opim nupela haus o opis, yumi mas mekim ol singsing na drama i sut long dispela samting.

Tasol long Open De bilong dispela opis, mi lukim sampela i kirap na mekim ol singsing long ol meri Siassi

na ol meri Pariwei.

Mipela ol man i kam long lukim nupela opis i pilim bikpela sem tru long dispela pasin. Bikos singsing na pilai i no sut long opim nupela opis ya.

Mi lukim dispela pasin long olgeta yia, na i no gutpela tru long tingting bilong mi.

Em tasol na husat i laik bekim em laik tasol.

**Tonny Nabong  
BIALLA**

## Maski stilim man bilong narapela meri

Dia Edita,

Mi wanpela meri Simbu, tasol nau mi stap long Hagen taun.

Mi laik komplem long pasin bilong ol meri husat i no save laik marit gut, na paulim man bilong ol arapela meri.

Mi bin lukim long 5 Mail blok long Lae siti stret taim wanpela meri Buka i kros wantaim wanpela meri Sepik.

Olgeta manmeri long hap i save olsem meri Sepik i paulim man bilong meri Buka. Olsem na meri Buka i kam krosim meri Sepik ya.

Tasol meri Sepik i no sem long dispela pasin bilong em, na i kirap

hatim meri Buka nogut tru olsem man bilong em.

Meri Sepik i tokim meri Buka, olsem wanem na yu no laik maritim brata bilong Francis Ona?

Mipela planti manmeri i harim dispela tok bilong meri Sepik ya i no stret long mipela. Olsem na ol meri, yupela i mas lukluk gut long ol man, na i no ken kirap pulim man bilong arapela meri nating.

Em tasol na husat i laik bekim em laik tasol.

**Selly Jacob  
HAGEN**

bikhet pasin. Bikos nau yet mipela i ken raun gut long Hagen taun.

Dispela em i gutpela tingting tru bilong gavman long bungim ami wantaim plis long lukautim kefiu wantaim. Dispela wok i karim kaikai, na mipela ol asples i painim amamas nau.

**Gabriel Nori Popna  
HAGEN**

## Maski singsing tumbuna long PMV bas

Dia Edita,

Mi wanpela manki Hagen long Westen Hailans provins, tasol nau mi stap long Ramu Suga, Madang provins.

Mi gat liklik bel hevi. Olsem na mi laik autim long *Wantok Niuspepa* bai ol wanples bilong i ken lukim.

Planti taim mi i go i kam namel long Ramu na Hagen, na mi lukim ol manmeri bilong Hagen i save singsing na wokim planti nais stret long pasindia bas.

Ol dispela lain manmeri i save kam daun long Lae, na baim buai bilong salim.

Ol i save kalap long pasindia ka, tasol ol i no save wari long ol

## Rausim ol gutpela manmeri long Buka Ailan

Dia Edita,

Mi wanpela manki Sepik. Tasol nau mi stap long Kimbe. Mi laik askim gavman bilong Papua Niugini long lusim ol meri pikinini long Buka Ailan i kam long mipela ol ret skin.

Sapos yumi lusim ol gutpela manmeri pinis long ples bilong trabel, orait lo yet i ken go na mekim save long ol dispela bikhetman long ailan ya.

Mi tok olsem bikos ol bikhetman

bilong Bogenvil i no tingim laip na gutpela sindaun bilong ol gutpela manmeri na pikinini. Ol gutpela lain ya i no gat save long dispela trabel.

Olsem na sapos gavman i ken kisim ol i kam long gutpela hap i no gat trabel. Dispela i ken larim ol trabelman tasol i stap. Na sapos ol i laik bikhet, orait em i ken traim pawa bilong lo na lukim.

**Francis Kali  
KIMBE**

## Bialla taun i bagarap stret long pipia nau

Dia Edita,

Mi wanpela meri Sepik, tasol nau mi stap long Bialla taun long Wes Nu Briten provins.

Mi laik komplem long ol taun kaunsil bilong Bialla, olsem taun ya i no olsem ples bilong man i stap long en. Planti pipia i pulap long arere bilong stua, na ol manmeri maket nambaut long ai bilong ol stua na opis.

Dispela i mekim ples i luk nogut tru. Bikos olgeta hap bilong taun i deti nogut tru long dispela pasin.

Ol taun kaunsil i no save klinim ol pipia ya hariap na, ples i bagarap olgeta.

Mi laik askim yupela ol taun kaunsil, sapos yupela i les long mekim wok orait lusim long ol arapela lain long mekim. Bikos yupela yet i no mekim gut wok.

Ol taun olsem em ples bilong manmeri na ol turis i kam raun na i mas stap klin, na luk nais long ai bilong ol manmeri. Sapos em i ples pipia, bilong wanem na yupela putim ol opis na stua long en?

Em tasol na husat i laik komplem em laik tasol.

**Susan La-abe  
BIALLA**

## Ol plantesin wokman i no save sori



Dia Edita,

Planti taim mi save lukim ol bosman i go insait long plantesin na givim mipela narapela wok. Dispela em bihain long bik bos i tilim wok long mipela long wokim long wanpela de.

Tasol ol narapela bos bai i kam na givim narapela wok. Kain pasin olsem i no gutpela tumas long tingting bilong mi.

Kain pasin olsem i bin kamap planti taim. Olsem na mi autim long *Wantok Niuspepa*. Na ol kain

biknem bos olsem i mas lukim na senisim kain pasin bilong ol. Yupela ol bosman i mas traim na stapim kain longlong pasin olsem. Bikos planti wok boi bai i no inap wan bel long yupela.

Mi lukim olsem planti manki i ranawe pinis long wok. Na tu i no save wokim gut wok, bikos ol bosman i no gutpela long ol.

Em tasol liklik bel hevi bilong mi.

**Joshua Boi  
RABAU**

## Noken rabisim nem Dagua

Dia Edita,

Mi wanpela manki Dagua long Is Sepik provins. Mi laik bekim pas bilong susa Philomina J. em i bin kamap *Wantok Niuspepa* Namba 845 long Fonde 14 Epril, 1991.

Susa ya i tok olsem ol manki na lapun man bilong Dagua i save bagarapim sindaun na kamapim planti hevi insait long blok. Kain toktok yu mekim long ol manki Dagua i no gutpela tumas long yau bilong mi wantaim ol arapela Dagua i stap long Kimbe.

Bikos yu bin tok olsem ol manki save raun nating nating long blok.

Mi laik tokim yu olsem, mipela i gat save, tasol mipela i les long soim long yu kain pipia meri olsem.

Wanpela taim yu i ken kam na traim *English* wantaim mi, na bai mi soim yu. Yu ting mipela long long bilong yu?

Ating mobeta yumi tupela bai traim bun long *Inggris*.

Em tasol liklik bekim bilong mi.

**Batoisim Dagua  
KIMBE**

## Ol ami save so op long yunifom tasol long grisim ol meri

Dia Edita,

Mi wanpela manki bilong Nipa long Sauten Hailans provins. Mi laik autim wari bilong mi long pasin mi save lukim ol ami i mekim.

Ol ami bilong yumi i save so op long yunifom bilong ol. Taim ol i raun long taun, ol i save so op stret long dispela yunifom na mekim ol kain kain toktok.

Ol i save mekim kain pasin olsem bilong spak na grisim ol meri. Ol i save ting olsem taim ol i putim dispela yunifom, ol i ken wokim kain

kain pasin long laik bilong ol.

Plis inap yupela i stapim dispela kain pasin na stap olsem ol ami bilong ol manmeri bilong Papua Niugini. Mi laikim Dipatmen bilong Difens long lukluk long dispela.

Husat soldia i save mekim dispela kain pasin, Dipatmen i mas rausim em long ami. Long wanem ol i stap bai ol i bagarapim nating gutpela nem bilong PNG Difens Fos.

**Robert Percymon  
Nipa, SHP.**

## Praim Minista save stap long Mosbi tasol

Dia Edita,

Mi wanpela manki Sepik na mi stap nau long Rabaul. Mi bin wok long Bogenvil long 16 yia olgeta.

Taim mi stap long Bogenvil, planti ol hevi long boda bilong Papua Niugini na Indonesia i wok long kamap. Praim Minista, Rabbie Namaliu i no save go long boda na stretim ol dispela hevi.

**Michael Simbra  
RABAU**

**Salim pas i kam long:**

**WANTOK  
NIUSPEPA  
P.O. BOX 1982  
BOROKO**

# Nissan Navara!

From

# K10,990!



**NAVARA UTILITIES FROM K10,990, CALL NOW!**



**BOROKO MOTORS**  
**THE GOOD GUYS FOR BEST BUYS**

pes 12

9th SOUTH PACIFIC GAMES  
PORTA NEW GUINEA 1991



**CAMBRIDGE**  
A MAJOR SPONSOR

KOOL

*Filter Kings*

KOOL

Government Warning. Smoking  
is Dangerous to Health.



**NEM:** Nick Miera  
**KRISMAS:** 17  
**ADRES:** PO Box 205, Lae, Morobe provins.  
 Wanem samting mi save wokim:  
 Mi save singsing lotu, wokim Baibel stadi, ritim buk, raitim pas, na harim singsing lotu.  
 Mi bai i amamas long bekim olgeta pas. Na sapos planti pas i kam long mi, bai mi givim sampela long ol pren meri bilong mi.  
 Mi laik mekim pen pren wantaim ol manmeri bilong olgeta hap bilong Papua Niugini.

**NEM:** Regina Nimbil John  
**KRISMAS:** 17  
**ADRES:** C/-PO Box 77, Bans, W.H.P.  
 Mi wanpela yangpela meri bilong Bans. Mi laik mekim pren wantaim ol manki bilong olgeta hap bilong Papua Niugini.  
**SAMTING MI SAVE MEKIM:** Mi laikim pilaim ol kainkain gem, mekim wok bilong sios, na raitim leta.  
 Mi bai i amamas long bekim olgeta pas. Sapos planti pas, bai mi givim sampela i go long ol pren meri bilong mi.

**NEM:** Brian Hena  
**KRISMAS:** 19  
**ADRES:** C/-PO Box 1846, Kerevat, ENBP.  
 Mi wanpela manki Kainantu long Isten Hailans provins, tasol nau mi stap long Rabaul, Is Nu Briten provins.  
 Mi gat bikpela laik long mekim pen pren wantaim ol yangpela manmeri bilong olgeta hap insait long Papua Niugini.  
 Mi bai i amamas long bekim olgeta pas. Na sapos planti pas tumas long mi, bai mi givim sampela long ol arapela poroman bilong mi.  
**SAMTING MI SAVE MEKIM:** Mi laikim pilai ragbi, soka, lukim EM TV, harim musik na ritim *Wantok Niuspepa*.

## Manki Nipa painim tupela pren

**Dia Edita,**  
 Mi wanpela manki bilong Nipa long Sauten Hailans provins, tasol nau mi stap long Bialla long Wes Nu Briten provins.

Mi painim tupela pren bilong mi. Nem bilong ol em Mas Tuman na Tis Komboal. Mi save olsem Mas Tuman i stap long yunivesiti long Mosbi, na Tis Kamboal i mas stap yet long Hagen.

Tasol long wanem hap yutupela i stap long en, mi laik askim yutupela long rait long mi long dispela edres.

Wesley Kundit,  
 P.O. Box 41,  
 BIALLA, WNPB.

## Kas bilong Kimbe laikim pen pren

**Dia Edita,**  
 Mi laik mekim pren wantaim ol manmeri bilong Daru, Morobe, Madang, Is Nu Briten. Mi promis bai mi bekim olgeta pas i kam long mi.

Mi save laikim long raitim pas, ritim Baibel, singim ol lotu singsing, pilai basketbal, soka, lukim TV, na bungim ol pren.

Nem: Dicion Soloket  
 Krismas: 19  
 Edres: C/-P.O.Box 21  
 Kimbe, WNPB.

## Provinsal Afeas mas painimaut gut long Sepik

**Dia Edita,**  
 Mi wanpela manki bilong Wewak taun, Is Sepik provins. Mi laik toktok long bikpela birua em i bin kamap long Wewak taun, we sampela raskol i kukim gavman opis.

Mi gat bikpela bilip olsem sampela bikman bilong provinsal gavman i mas go pas long dispela birua. Planti manmeri na bikman long Wewak i gat bikpela bilip olsem.

Bikos long nait dispela birua i kamap, sampela ka na bikman i bin ran nambaut i go i kam long redim ol samting.

Orait sampela plisman husat i bin patrol long gavman opis i save tu long dispela. Bikos long taim birua i kamap, ol plisman ya i no stap. Ol i giaman olsem ol i go patrol long narapela hap.

Dispela taim em paia i kirap long gavman opis.

Mi harim stori tu olsem wanpela man husat i mekim paia ya em paia i kukim liklik han bilong em.

Long sem taim nau em sampela provinsal bikman husat mi no laik autim nem bilong ol i prenim sampela raskol manki. Ol i bin yusim ol raskol manki ya long dispela birua.

Na nau yet ol i save yusim ol.

Dispela kain pasin i no gutpela tumas long ai bilong mipela planti pipel. Mi laik askim nau Provinsal Afeas Minista, Pater John Momis long lukluk i go insait long dispela.

Ol dispela kain pasin i mekim na provins bilong mipela i stap bihain tru.

Tom Bango  
 WEWAK

## Brothers bai winim 1991 Mosbi ragbi taitel

**Dia Edita,**

Mi wanpela manki bilong Madang taun, tasol nau mi stap long Mosbi. Mi laik toktok long wanpela gutpela A gret gem bilong Mosbi Winfield Lig resis long las wiken.

Mi laik toktok long gem namel long Brothers na Tarangau. Dispela i bin wanpela gutpela gem tru.

Mi laikim tru olsem Brothers

i mas winim dispela gem. Olsem na ol i no winim dispela gem.

Bikpela tingting bilong mipela ol Brothers sapota nau em long winim gren fainal. Las yia mipela i go insait long gren fainal, tasol mipela i salim kaikai long Hasting Deering Difens.

Dispela yia mipela bai i win.

Tarangau i go pas yet long resis. Na em i bikpela birua

bilong mipela. Tasol pilai bilong las wiken i soim olsem mipela i ken go insait long gren fainal na winim. Ating bai mipela i bungim Fairdeal Wes o Tarangau long gren fainal.

Tasol bikpela tenkyu mas i go long kosa bilong Tarangau, John Wagambie. I tru olsem ol nem ki pilai bilong yu i no pilai insait long gem. Olgeta i stap long

Vipers tim nau.

Nem bilong ol em kepton Richard Wagambie, faiv et Elias Paiyo na strongpela fowat, James Naipao.

Brothers em olgeta pilai i stap. Olsem na ol i bagarapim sindaun bilong Tarangau. Bikos Tarangau i yusim planti risev gret pilai long planti gem i kam inap las wiken.

John Kuma  
 BOROKO

## Maski singim ol singsing nogut

**Dia Edita,**

Mi wanpela manki Pomoi long Is Nu Briten provins. Mi laik autim wari bilong mi i go long ol man husat i save katim musik kaset.

Wanpela bikpela pasin no gut mi lukim em, planti musikman i save singim ol singsing bilong narapela man.

Dispela i no gutpela tru. Bikos wan wan hap i gat singsing bilong ol yet. Na ol yet i ken singim.

Sampela singsing tu i no save gutpela long yau bilong mipela. Ol i save mekim toktok no gut insait long singsing bilong ol. Dispela i no gutpela stret long tingting bilong mipela ol man i laik harim musik.

Pliis traim na singim gutpela singsing long pasin na laip bilong pipel o ol samting we yu ting i gutpela long ol man i harim.

Em tasol na husat i laik bekim em laik tasol.

Philip Kolalepitara  
 POMIO

## Memba bilong Kompiam na Wapenamanda i stap o?

**Dia Edita,**

Mi wanpela manki Wabeg Insait long Sauten Hailans provins, tasol nau mi stap long Bialla, Wes Nu Briten provins.

Mi laik autim wari bilong mi i go long tupela lida bilong mipela, Masket langallo na Tom Amalu.

Wari bilong mipela i go olsem, olgeta samting yutupela i wokim i orait. Tasol wanpela bikpela samting yutupela i no mekim em long wokim rot i go long Kompiam na Wapenamanda. Planti taim ol pipel bilong yumi i save brukim bus, na katap long maunten. Bikos i no gat gutpela rot.

Traim na mekim sampela nals long palamen. Na gavman i ken givim mani long wokim rot i go long ples bilong yumi.

Yutupela i no gat sori long ol pipel bilong yumi. Olgeta taim ol save wokabaut i go long taun long balm rais na ol arapela kaikai.

Sapos yutupela i gat tingting, orait paitim kapa bilong haus palamen, na gavman i ken givim mani long wokim kain wok olsem.

Em tasol wari bilong mi, wantaim ol pipel bilong Wapenamanda na Kompiam.

Job Mark  
 BIALLA.

## Tingting gut pastaim



**Dia Edita,**

Mi wanpela manki Wes Nu Briten. Mi laik bekim pas bilong brata U-Frenu Aragin Tela. Pas bilong em i bin kamap long *Wantok Niuspepa* Namba 887 bilong 4 Julai, 1991.

Brata Tela i sapotim Primia Jerry Nalau long rausim ol setelmen insait long Lae Siti.

Tasol mi laik bekim olsem dispela em i wanpela bikpela samting. Olsem na mipela i mas yusim het bilong mipela na toktok, o raitim leta i go long *Wantok Niuspepa*.

Wanpela hap toktok bilong brata i go olsem ol Morobe i no inap kaikai pekpek bilong husat manmeri i komplem long kompensesen. Bikos provinsal gavman i bagarapim ol

samting bilong yu long setelmen.

Mi laik bekim olsem dispela kain toktok i ken mekim ol brata susa husat em buldosa i bagarapim haus na samting bilong ol i wari.

Mipela olgeta em pikinini bilong man. Olsem na mipela i mas tingting gut long dispela. Na bihain autim tingting bilong mipela long pablik.

Mi laik tok kliia olsem ol trabel bilong lo na oda long Lae Siti em i no ol ausait manmeri tasol i mekim. Ol manmeri bilong Morobe provins yet tu i save mekim ol dispela trabel tu.

Tingting gut pastaim na bihain autim tingting bilong yu.

Francis Tommy  
 KIMBE

Raitim stret nem na adres bilong yu long ol pas. *Wantok* i no inap printim ol pas we i no gat nem na adres long ol.

# Atis tu i laik resis long sia bilong Aitape Wes Kos long 1992

## Husat em i lida tru bilong ol pipel?

LIDA tru bilong ol pipel i no husat man i win long ileksen na lus tingting long ol pipel taim em i go long nesanel ol provinsal asembli. Na tu lida tru i no man husat i kisim pawa pinis na bai paulim mani bilong ol pipel long helpim em yet.

Lida tru bilong ol pipel em man husat i save long wok bilong em insait long opis na ausait wantaim. Lida tru em i man husat i save wok, kaikai, raun, tok pilai na slip wantaim ol pipel bilong em taim em i raun long ples. Em i mas daunim em yet olsem em i

wanpela bilong ol manmeri long ples.

Dispela em bikpela tingting bilong wanpela yangpela man husat bai resis nau long Aitape Wes Kos sia long 1992 provinsal ileksen.

Nem bilong em Benedict Akuire. Em i gat 29 krismas na i bilong Arop vile. Benedict i pinisim skul bilong em long Yunivesiti bilong Papua Niugini (UPNG) wantaim diploma long wanpela kos ol i kolim wantaim "Graphic Design and Photography". Nau em i wok olsem wanpela atis long Capital Printing long Mosbi. Pastaim long dispela em i wok wantaim EM TV

na sampela ol narapela praivet oganaisesen.

Akuire i gat planti gutpela tingting long wanem ol samting gutpela lida i mas mekim long ol pipel bilong em. Tasol em i lukim olsem i gat wanpela samting i namba wan long olgeta samting em husat nupela lida i mas mekim. Taim lida i win long ileksen, em i mas luksave pastaim long wanem hevi ol pipel i gat.

Em yet i lukim olsem Sandaun i wanpela long ol provins we i kam las tru long wok developmen. Tasol em i gat stronpela bilip olsem Sandaun i mas go pas long ol narapela provins. Long wanem

Sandaun i gat gutpela graun we i pulap long ol kain kain samting. Ol samting we ol pipel i ken yusim long winim mani. Sandaun i pulap long timba, kakao, kopra, gol na ol narapela liklik wok bilong kisim mani.

Tasol ol pipel i no kisim helpim long ol dispela samting bikos ol lida i no wok strong. Ol lida i no wok bung wantaim. Akuire i bilip olsem olgeta lida i mas lus tingting long pati ol i makim o ol tingting long ol yet na wok bung wantaim long kirapim provins.

Ol lida i mas salim ol opisa bilong ol i go long ol ples na stap wantaim ol pipel. Ol opisa bai

mas painimaut long wanem kain wari ol pipel i gat. Na taim ol i kisim ol dispela wari, ol i traime long painim ol we ol lida i ken bihainim long stretim dispela wari bilong ol pipel.

Tasol Akuire i bilip tu olsem ol lida tasol i no inap long mekim ol dispela developmen i kamap ol yet. Ol i laikim tu helpim bilong ol yangpela saveman na meri bilong Sandaun yet. Ol dispela lain i mas wok bung tu wantaim ol lida na givim ol nupela tingting long kirapim provins. Na antap long dispela, em i laikim helpim na sapot bilong ol manmeri long ples.

# PLIS RIPOT

**LAE:** Tupela man i lus long solwara long Mande nait. Ripot i tok tupela i bin go huk long nait na i no bin kamap long ples. Ol man i stat long painim bodi bilong ol tasol ol i no painim wanpela yet.

• Ol pipel bilong Wau na Bulolo i holim pinis tupela man husat i bin kilim wanpela long haus bilong menesa bilong Zenag Kampani.

Ripot i tok taim ol man i holim tupela, ol i painim wanpela gan. Ol i givim i tupela long han bilong ol plismam bihain long ol i holim lool long sem nait tasol. Ripot i tok long 10 klok moning tupela i bin kamap long haus menesa Tom Leahy na askim em long mani.

Man husat i dai bin traime long holim pasim ol tasol ol i sutim em long gan. Misis Leahy i bin ranawe na mekim nais long ol man i kam helpim man bilong em wantaim ol pikinini.

Ol man ya i harim pairap na ranawe na ol plisman i mekim wok painim aut yet long holim pasim ol.

**KEREMA:** Wanpela man i dai taim kanu i kapsait long Aivea Riva. Ripot i tok 5-pela man bilong Kerema na 6-pela bilong Baimuru i bin ran long wanpela kanu. Kanu i kapsait na 10-pela i swim i go kamap long nambis tasol wanpela i sotwin na i dai long namel bilong solwara.

Ripot i tok Nesanel Disasta i bin salim ol man long painim bodi bilong man ya tasol ol i no painim yet. Nau yet Rijinal memba bilong Galp Aron Noaia i sutim tok i go long nesanel gavman. Bikos ol i no harim toktok bilong em long wokim rot i go long dispela ples.

Nau ol i mekim wok painim aut yet long painim dispela bodi.

**MOSBI:** Faivpela man i bin pretim draiva bilong wanpela ka wantaim kru bilong em na ranawe long ka bilong ol. Dispela birua i bin kamap long Spring Gaden rot long Hohola long Tunde nait.

Ripot i tok draiva wantaim kru bilong em i bin sindaun wetim narapela man i stap taim ol raskol i kam long wanpela ka, 4-pela man i kalap i go ausait na pretim tupela ya long ka.

Bihain ol i kalap long ka na ranawe i go olsem long Waigani. Papa bilong ka wantaim ol arapela i tok save hariap long ol plisman. Tasol ol plisman i no painim yet dispela ka. Ka ya em wanpela waitpela Nissan Cetric, waitpela long kala na glas bilong en i tudak liklik.

**MOSBI:** Long wankain taim sampela raskal man i bin pretim wanpela wokman bilong wanpela takaboks na kisim planti kaikai na mani. Dispela stil pasin i bin kamap long Mande 8 klok apinun.

Ripot i tok ol i stilim K243 kes mani na K200 ol kaikai bilong stoa. Ol plisman i wok long sekap yet long ol lain husat i bin mekim olsem. Ol i bilip long holim sampela bilong ol dispela man klostu.

# HEY!

## Don't throw it away!

YOUR USED PHONECARD COULD

# WIN YOU K500!

Starting Monday August 5th!

A winning used Phonecard will be drawn on the first Monday of every month on EMTV at 7pm!

Monthly prizes of  
K100 Cash  
K50 Cash  
Ten K10 Phonecards!

Plus a Grand Prize Draw on December 9th for

K500 Cash  
K250 Cash  
Twenty K10 Phonecards!

This entry is also eligible for all subsequent draws including Grand Prize Draw.

### HOW TO ENTER

- Enclose your used Phonecard in an envelope and seal it;
- Write your full name, address and phone No. (if any) at the back of the envelope;
- Mail the envelope to:-

Used Phonecard Competition  
P.O. Box 2651, BOROKO

*A draw is made on an envelope, NOT phonecard serial number.*

Employees of PTC and EMTV and their families are NOT eligible to enter.



**Post & Telecom**  
Keeping you in touch



# 'Obena' na 'Huli' i kamapim Wabeg na Tari pipel

BIPO bipo tru long taim blong tumbuna, i gat tupela susa i save stap namel long Kandep na Tari eria bilong Saut-en Hailans provins.

Long taim dispela taim, ol meri i save painim gripela rokok bilong diwai bilong kaikai.

Wanpela taim tupela meri ya i pasim tok long painim sampela grinpela rokok long wanpela bikpela wara.

San i kam antap nau tupela i stretim ol kaikai na bun bilong pitpit long painim rokok long nait. Orait long apinun tupela i kisim olgeta samting, na wokabout i go daun long dispela bikpela wara.

Tupela i kamap long wara na tingting long sampela gutpela rot we tupela ken painim planti rokok. Bikpela susa i tingim wanpela gutpela aidia na tokim liklik susa, "Yumi bai mekim olsem. Mi bai painim rokok i go daun bihainim wara, na tu bai painim rokok i go antap long het bilong wara."

Klostu tudak na tupela i lotim pitpit. Tupela laitim pitpit pinis na liklik susa wokabout i go antap long het bilong wara, na oikpela susa wokabout i go daun long as bilong wara.

Tupela i pasim tok orait tu olsem husat i painim planti rokok i ken go hariap long haus.

I no longtaim bikpela susa i painim planti rokok. Bikos as bilong wara i gat planti bikpela diwai, na i gat planti rokok stret.

Trangu liklik susa antap long het bilong wara i wok long painim hat stret long holim planti rokok. Em traim hat yet i go na pitpit i pinis nating. Trangu em i no holim wanpela rokok liklik.

Man ai bilong em i bagarap stret long slip. Ples i tudak olgeta, na em i nogat moa pitpit bilong laitim paia. Mekim nogat na em i sindaun



long wanpela kona, na slip i stap na wetim tulait.

Em sindaun i go na smelim smel bilong paia. Dispela taim em klostu bai i tulait nau. Olsem na ples i kol olgeta. Yu save hailans ya, ples bilong kol.

Tingting bilong painim paia na hatim skin i kamap nau. Em kirap kisim ol samting na bihainim rot we smel bilong paia i kam long en. Em wokabout i go na i lukim wanpela liklik haus i stap.

Em i lukim smok bilong paia tasol i kam aut long haus ya. Em wokabout i go klostu na lukim wanpela yangpela boi i

slip arere long paia, insait long haus ya.

Em i pilim sem, tasol em i go arere long haus na i laik go insait. Sem taim boi ya i kirap na wokabout i kam ausait long sekim nais. Em lukim olsem na tanim bek. Em givim sisti i go insait long hap bus, na hait i stap.

Yangpela boi i harim nais na ting olsem wanpela kapul i kalap long diwai. Em sanap isi na wetim kapul long mekim nais gen. Tasol meri ya i no mekim wanpela moa nais. Bikos em i pret long boi ya i lukim em.

Mekim na boi ya i wet i go

inap tulait.

Tulait nau na boi ya wokabout i go long as bilong diwai. Em lukluk na lukim liklik susa i slip insait i stap.

Em kisim meri ya na karim i go long haus bilong em. Na i askim long meri i kamap olsem wanem long eria bilong em.

Bihain em givim sampela mit bilong kapul wantaim arapela kaikai na liklik susa i kaikai. Na i laik kisim liklik susa i go bek long ples bilong em. Tasol liklik susa i paul pinis long wanem hap ples bilong em i stap.

Tupela sindaun i stap na liklik susa i stori long em wantaim bikpela susa. Na olsem wanem em i kamap long haus bilong boi ya. Tupela stori i go na san i kam antap.

Liklik susa i strong long stap na maritim yangpela boi ya. Yangpela boi tu i gat laik na tupela i stap wantaim. Tupela stap i go na liklik susa i karim wanpela pikinini man. Nem bilong dispela pikinini em 'Hela Huli'.

Wankain taim tu bikpela susa i karim wanpela pikinini man long ples. Nem bilong dispela pikinini em 'Hela Obena'.

Dispela tupela nem, 'Obena' na 'Huli' i makim ol pipel bilong Tari na Wabeg tude. 'Obena' i makim ol lain pipel bilong Wabeg, na 'Huli' i makim ol lain pipel bilong Tari.

Olsem na tude mipela i lukim ol pipel bilong tupela ples ya i save stap olsem brata na susa. Bikos ol i kamap long tupela susa tasol. Wanem birua i kamap long ol pipel bilong Wabeg, ol Tari bai i hariap tru i kamap long helpim. Na Tari tu i wankain.

Nau yet dispela pren i stap namel long ol yangpela blut bilong dispela tupela ples.

Tabakaua  
TARI-SHP



□ Wanpela lapun man i roket i go long pablik klap na dring bia. Man em i spak nogut tru. I no longtaim em i tingting long kisim PMV na go long ples.

Em kalap long wanpela PMV, na i lukim wanpela naispela kum katim meri stret. Lapun i ai raun liklik na stat long sruk i go klostu long yangpela meri na tasim em. Meri ya i no gat rot long muv. Olsem na lapun ya i go pas gut tru long skin bilong em.

Tasol lapun i no lukim ol plisman wantaim plis ka bihain long PMV. Ol plisman i lukluk i go insait long PMV, na lukim trangu yangpela meri i kra, na lupun i amamas stret.

Ol i stapim ka na askim lapun ya. Tasol lapun i giamanim ol olsem em i no mekim wanpela samting long yangpela meri. Em i kra wantaim na tok, "Andrew auka sisile, mi nogat." Ol plisman i tok wanem yu nogat. Trangu ol kilim lapun man gut tru, na kisim em i go long plis stesin.

Aiwara Nemlus  
BIALLA

□ Misis Willson i ring na askim haus boi long man bilong em, Mista Willson, "Is Mista Willson there?" Na haus boi i bekim, "No!" Misis Willson i askim gen, "Who are you then?" Na haus boi i laik bekim olsem nem bilong em Richard. Tasol tang bilong em i popaia na em i bekim olsem, "I am Lizard!"

Misis Willson i kirap nogut na askim, "Are you human being or reptile!" Tasol boi nogut i bekim, "Nogat! Raphael tu i no stap!"


GH Boys  
WEWAK

□ Wanpela meri Kerema i bungim boi pren bilong em na tupela i raun. Boi pren ya i bilong Sepik.

Tupela raun i go long haus kaikai, na baim sampela kaikai. Tupela i mekimsave long kaikai i stap na meri Kerema i kapupuk.

Boi Sepik i harim na askim, "Sweet heart! Em wanem nais ya!" Na meri Kerema i bekim, "Yu stap isi. Mi ring long rekot Kalang Sevis ya. Kapupuk em feveret bilong yu."

William Sablen  
LAE



**OL KALABUSMAN KISIM HELPIM:** Pralm Minista Rabbie Namallu i givim vidio pllala na rekota i go long ol kalabusman long Bomana haus kalabus ausait long Mosbi. Dispela em long taim em i mekim wanpela lukluk raun i go long hap long Trinde 24 Julai, 1991.

## Mi pret long meri i daunim askim bilong mi

### LAIP LAIN



Dia Laiplain,

Mi gat laik long wan skul meri bilong mi yet. Tasol mi pret long askim bikos nogut em i tok no gat long mi.

Nogut mi askim long prenim em na em bai tok no gat na taim mitupela i bung gen

long narapela hap, mi bai sem long em.

Mi laik go stret na askim dispela meri nau. Nogut mi westim taim na em bai hangamap long narapela man. Yupela i ting wanem long dispela?

COURAGE WHERE?

Dia Pren,

Yu tokaut klia tru long hevi bilong yu: "Mi laik go na tokim stret dispela meri" na "askim em long kamap pren bilong mi". Tasol yu no laik mekim olsem bikos yu pret long em i daunim askim bilong yu.

Tingting bilong mipela em: no ken go stret na askim em. Traim narapela rot em i hait liklik.

Wanpela as em ol yangpela i save painim ol kain hevi olsem yu em bikos ol i no klia gut long mining bilong "kamap pren". Planti yangpela man na meri i save ting olsem long gat boipren o gelpren i bilong slip wantaim. Sampela i save go moa na kisim tingting olsem long "gat pren" i min olsem tupela bai stap wantaim i go na marit bihain. Em i olsem ol toktok i stret nau bilong marit.

Pasin bilong gat boipren na gelpren i min bilong soim sampela pasin na tingting we arapela i no save long en. Tupela wantaim bai toktok na tilim ol kain kain samting bilong laip. Long dispela pasin, ol bai inap save gut long wanem samting laip bilong man na meri i min long graun.

Dispela kain tingting bilong slip wantaim taim yu na man o meri i pren i save daunim planti arapela gutpela Kristen pasin na tingting em i ken kamap long pasin bilong "stap pren".

Ating dispela ol liklik toktok bilong mipela bai inap helpim yu long lukim tru as tingting bilong pren na rot bilong askim dispela meri. God i blesim yu na gutlak.

MI Laiplain.





# MUSIK na TELEVISIEN

## Nek bilong Karkar ailan i kamapim narapela stail musik

FRANCIS ULIAU i raitim

NEK bilong man o meri long singsing i wanpela bikpela samting long kamapim naispela musik na suvim planti lain long laikim musik bilong yu. Tasol hamas lain i save katim kaset wantaim ol studio long kantri i save painim hat tru long dispela.

Na wankain long ol dispela studio em Pacific Gold studio bilong Rabaul.

Tasol i no long-taim i go pinis, wanpela kaset bilong tupela brata bilong Dansai viles long Karkar ailan, Madang i bin kamap. Pacific Gold studio long Rabaul i bin katim dispela kaset long mun Novemba, 1990.

Dispela tupela yangpela man em Malfred na Kollin Genouk. Tupela i autim kaset aninit long nem *Gama Souls of Madang*. Tupela i daunim ol namba wan toktok bilong dispela stori bikos nek bilong ol long singsing na wokim musik i

narakain na i save meknais tu.


Ol lain bilong studio yet long Rabaul i no inap bilipim kain nek bilong tupela brata ya long singsing. Tupela i gat stail bilong ol yet na i no bihainim wanpela stail bilong narapela man insait long dispela ol 10-pela singsing bilong ol.

Nelson Amos bilong Pacific Gold studio long Rabaul i tok, "Olgeta 10-pela singsing bilong tupela Genouk brata bilong Karkar ailan i gat stail bilong ol yet."

"Tupela i no olsem planti arapela musikman na meri husat i save singim samting olsem 8-pela singsing bilong ol yet na narapela tupela bilong ol arapela lain."

Nelson i tok tu olsem tupela man bilong studio yet, Lino Tiriman na Charlie Bobo i bin givim han long Malfred na Kollin. Tasol Lino na Charlie i no tra'im kam insait na toktok long musik bilong tupela

### GAMA SOULS of Madang



Manfred na Kollin Genouk i sanap long fran bilong kaset bilong tupela.

manki Karkar ya. Nogat. Olgeta wok bilong singsing na givim nek i stap long tupela yet.

Lino na Charlie i bihainim tasol tupela man ya na pilai olsem ol i laikim long en.

Nelson i tok dispela em i namba wan taim tu bilong kain samting olsem long kamap. Na

em i bilip olsem kaset bilong Gama Souls bai kamapim bikpela nem long Momase rijon.

Malfred na Kollin i bin stap katim kaset bilong tupela long Pacific Gold studio inap long tripela wik olgeta.

Dispela kain stail bilong musik i kra' long baksait na nek i meknais i

kamap ples klia tru long namba wan singsing long sait A, DANSAI PK. Dispela singsing i stori long wanpela meri wanples bilong tupela brata yet. Dispela meri i no save lukpes gut long poroman bilong em. Dispela i mekim na brukim gutpela pren bilong tupela.

Namba tri singsing, ENDAMA LEE i stap long tok ples Bogia. Na dispela singsing i stori long wanpela gutpela apinun Em tu i kamap long stail musik na nek bilong Malfred na Kollin yet. Na i no bihainim musik em ol narapela lain i save wokim.

SAUSAU i kam yet long Oro provins. Malfred na Kollin i singim dispela singsing long kain pairap na nek bilong ol singsing tumbuna. Dispela singsing i toktok long wanpela kain kala em i save luk moa gutpela long ai. Na dispela kala em i grin. Taim yu lukim dispela kala, yu save amamas long wanem i gat ol diwai na bus i

sanap bilong helpim yu.

Sampela singsing bilong ol brata ya tu i stap long Tok Pisin. Tupela i singim pastaim long tok ples na bihain i tanim i go long Tok Pisin. Na dispela bai helpim tru ol man, meri na pikinini husat i no save long tok ples bilong save long ming bilong singsing.

Wanpela bilong ol kain singsing olsem em PANU TIBUN long Sait A. Dispela singsing i pairap liklik tasol stail bilong em i no senis. Em i bihainim tasol olgeta arapela singsing long kaset.

PROMISE long sait A, GULAB BALUN, SAIN TA TIDOM NA

TIDOM UYAN long sait B em ol narapela singsing we i sut long pasin na stail bilong tumbuna. Planti musikman na meri i wok long katim ol singsing bilong tumbuna. Olsem na tupela brata bilong Karkar ailan tu ya i laik tra'im musik bilong ol.

Insait long dispela kaset bilong Gama Souls of Madang, Malfred na Kollin Genouk i singsing na bekap, Charlie Bobo i pilaim ol gita wantaim kibot na Lino Tiriman i hamaim kundu bilong ol waitman.

Lino na Charlie yet i bin helpim long katim na redim dispela kaset.



## EMTV

THURSDAY 25TH JULY, 1991	
6.00 TEST PATTERN AND MUSIC	
6.27 STATION OPEN	
6.30 ITN WORLD NEWS	
7.00 TODAY SHOW (G)	
9.00 STATION CLOSE	
1.42 STATION RE-OPEN	
1.45 MIDDAY WITH RAY MARTIN (PGR)	
3.00 SESAME STREET	
4.00 KIDS KONA	
4.30 TEENAGE MUTANT NINJA TURTLES (G)	
5.00 THE FLINTSTONES "Royal Bubble"	
5.27 EMTV TOKSAVE	
5.29 NATIONAL EMTV NEWS BREAK	
5.30 HOME AND AWAY	
6.00 NATIONAL EMTV NEWS	
6.30 A CURRENT AFFAIR	
7.00 NEIGHBOURS (G)	
7.25 EMTV NEWS UPDATE (G)	
7.30 HEY DAD (G)	
8.22 EMTV TOKSAVE	
8.25 EMTV NEWS UPDATE	
8.30 21-JUMP STREET (PGR) "Cory and Dean Got Married"	
9.24 EMTV NEWS UPDATE	
9.29 EMTV NEWS MAGAZINE	
9.30 SPORTS ACTION	
10.30 SALE OF THE CENTURY (G)	
11.00 ROBBO'S WORLD TONIGHT	
11.57 MEDITATION (G)	

FRIDAY 26TH JULY, 1991	
6.00 TEST PATTERN AND MUSIC	
6.27 STATION OPEN (G)	
6.30 ITN WORLD NEWS (G)	
7.00 TODAY SHOW (G)	
9.00 STATION CLOSE (G)	
1.42 STATION RE-OPEN	
1.45 MIDDAY WITH RAY MARTIN (PGR)	
3.00 SESAME STREET (G)	
4.00 THE REAL GHOST BUSTER (G)	
4.30 TEENAGE MUTANT NINJA TURTLES (G)	
5.00 THE FLINTSTONES "Sheriff for a day"	
5.27 EMTV TOKSAVE	
5.29 NATIONAL EMTV NEWS BREAK (G)	
5.30 HOME AND AWAY (G)	
6.00 NATIONAL EMTV NEWS	
6.30 A CURRENT AFFAIR (G)	
7.00 NEIGHBOURS (G)	
7.25 EMTV NEWS UPDATE	
7.30 FAMILY TIES "Dream Date" (G)	
8.00 AUSTRALIA'S FUNNIEST HOME VIDEO SHOW	
8.26 EMTV TOKSAVE (G)	
8.29 EMTV NEWS UPDATE (G)	

SATURDAY 27TH JULY, 1991	
8.30 SPORTS ACTION (G) "Rugby League"	
10.24 NATIONAL EMTV NEWS UPDATE	
10.29 EMTV NEWS MAGAZINE	
10.30 SALE OF THE CENTURY (G)	
11.00 ROBBO'S WORLD TONIGHT	
11.57 MEDITATION	
12.00 STATION CLOSE	
SATURDAY 27TH JULY, 1991	
8.00 TEST PATTERN AND MUSIC	
12.57 STATION OPEN	
1.00 WIDE WORLD OF SPORTS (G)	
5.00 LAVERNE & SHIRLEY "Baby Show"	
5.27 EMTV TOKSAVE (G)	
5.29 NATIONAL EMTV NEWS BREAK	
5.30 GILLETTE (G)	
6.00 NATIONAL EMTV NEWS	
6.30 HEY HEY IT'S SATURDAY	
8.22 EMTV TOKSAVE	
8.25 EMTV NEWS UPDATE	
8.30 HAWAII 5-0 (PGR) "Goodnight Baby"	
9.29 EMTV NEWS MAGAZINE	
9.30 SPORTS ACTION (G)	

SUNDAY 28TH JULY, 1991	
8.00 TEST PATTERN AND MUSIC	
10.57 MEDITATION	
11.00 STATION CLOSE	
SUNDAY 28TH JULY, 1991	
8.00 TEST PATTERN AND MUSIC	
10.55 STATION OPEN	
11.00 WIDE WORLD OF SPORT	
1.00 BUSINESS SUNDAY	
2.00 3:NDAY (G)	
4.00 SPORTS SUNDAY	
6.00 NATIONAL EMTV NEWS	
6.23 THE ROAD TO THE 1991 SOUTH PACIFIC GAMES	
6.30 SPORTS ACTION "Rugby League"	
7.55 CHIT CHAT WITH SIR PAULIAS MATANE	
8.00 60 MINUTES	
8.52 EMTV TOKSAVE (G)	
8.55 NATIONAL EMTV NEWS UPDATE	
9.00 SUNDAY NIGHT MOVIE "Operation Bullshine" (G)	
10.27 MEDITATION	
10.30 STATION CLOSE	
MONDAY 29TH JULY, 1991	
6.00 TEST PATTERN AND MUSIC	
6.27 STATION OPEN	
6.30 ITN WORLD NEWS	
7.00 TODAY SHOW	
9.00 STATION CLOSE	
1.42 STATION RE-OPEN	

TUESDAY 30TH JULY, 1991	
1.45 MIDDAY WITH RAY MARTIN (PGR)	
3.00 SESAME STREET (G)	
4.00 KIDS KONA (G)	
4.30 TEENAGE MUTANT NINJA TURTLES (G)	
5.00 THE FLINTSTONES "Seeing Doubles"	
5.27 EMTV TOKSAVE	
5.29 EMTV NEWS BREAK	
5.30 HOME AND AWAY (G)	
6.00 NATIONAL EMTV NEWS	
6.30 A CURRENT AFFAIR (G)	
7.00 SALE OF THE CENTURY (G)	
7.25 EMTV NEWS UPDATE	
7.30 NEIGHBOURS (G)	
7.52 EMTV TOKSAVE	
7.55 NATIONAL EMTV NEWS UPDATE	
8.00 THE YOUNG DOCTORS	
8.54 EMTV NEWS UPDATE	
8.59 EMTV NEWS MAGAZINE	
9.00 FLYING DOCTORS	
10.00 SPORTS ACTION	
11.27 MEDITATION WITH PASTOR WALO ARNI	
11.30 STATION CLOSE	
TUESDAY 30TH JULY, 1991	
6.00 TEST PATTERN AND MUSIC	
6.27 STATION OPEN	
6.30 ITN WORLD NEWS (G)	
7.00 TODAY SHOW (G)	
9.00 STATION CLOSE	
1.42 STATION RE-OPEN	
1.45 MIDDAY WITH RAY	

WEDNESDAY 31ST JULY, 1991	
3.00 SESAME STREET (PGR)	
4.00 THE REAL GHOST BUSTERS (G) "Chicken be clucked"	
4.30 TEENAGE MUTANT NINJA TURTLES (G) "Seeing Doubles"	
5.00 THE FLINTSTONES (G) "Seeing Doubles"	
5.27 EMTV TOKSAVE (G)	
5.29 EMTV NEWS BREAK	
5.30 HOME AND AWAY (G)	
6.00 NATIONAL EMTV NEWS	
6.30 A CURRENT AFFAIR (G)	
7.00 SALE OF THE CENTURY (G)	
7.25 EMTV NEWS UPDATE	
7.30 NEIGHBOURS (G)	
8.22 EMTV TOKSAVE	
8.25 PNG WINFIELD LEAGUE 1991	
8.35 THE YOUNG DOCTORS (G)	
9.29 EMTV NEWS UPDATE	
9.34 EMTV NEWS MAGAZINE	
9.35 THE EQUALIZER "Hand & Glove" (PGR)	
10.35 BEYOND 2000	
11.33 MEDITATION WITH PASTOR WALO ARNI	
11.35 STATION CLOSE	
WEDNESDAY 31ST JULY, 1991	
6.00 TEST PATTERN AND MUSIC	
6.27 STATION OPEN	
6.30 ITN WORLD NEWS	

7.00 TODAY SHOW	
9.00 STATION CLOSE	
1.42 STATION RE-OPEN	
1.45 MIDDAY WITH RAY MARTIN (G)	
3.00 SESAME STREET (G)	
4.00 THE REAL GHOSTBUSTER (G) "Ragnarok & Roll"	
4.30 TEENAGE MUTANT NINJA TURTLES: "Fred Goes Ape" (G)	
5.27 EMTV TOKSAVE	
5.29 EMTV NEWS BREAK	
5.30 HOME AND AWAY (G)	
6.00 NATIONAL EMTV NEWS	
6.30 A CURRENT AFFAIR	
7.00 SALE OF THE CENTURY (G)	
7.27 EMTV NEWS UPDATE (G)	
7.30 NEIGHBOURS	
8.00 SOCCER ROUND-UP (G)	
8.03 FAMILY & FRIENDS	
8.30 INTERNATIONAL RUGBY SPECIAL (G)	
10.22 EMTV TOKSAVE (G)	
10.30 MEKIM MUSIK	
11.27 MEDITATION WITH PASTOR WALO ARNI	
11.30 STATION CLOSE	

G - General Exhibition  
PGR - Parental Guidance Required  
AO - Adults Only



# PABLIK NOTIS

Sapos yu laik advertais, telepon 25 2500 na askim long

MIRI AIORI long Ext 203  
JOHNATHAN BOMEPE long Ext 215  
KOSINTO FOSAGU long Ext 216



**NUPELA NAMBAWAN SPESEL PE BILONG OL  
ISLAND AVIATION BALUS**

## RABAU

**DISPELA NAMBAWAN SPESEL PE BAI STAT LONG 24  
JULAI I GO INAP LONG 31 OGAS, 1991.**

Husat pasindia i ron long wanpela balus bilong Island Aviation nau baim ful pe tiket long wanem hap em ol balus bilong mipela i save ron i go o i kam long Rabaul bai kisim wanpela fri tiket bilong go bek long hap em yu kam long en, taim yu kamap long opis bilong mipela long Park Strit.

I gat tu sampela liklik samting bilong stretim pastaim long dispela i kamap. Toktok wantaim ol lain i lukautim tiket na ron bilong ol balus bilong mipela long Park Strit opis Rabaul long telipon namba 92 3500 o 92 3550.

**For draws, point ladders, tables  
from all the provincial centres  
every week in your**

# THE TIMES

Thursday 27 June 1991

&



**WANTOK**

NIUSPEPA BILONG OL PAPUA NIUGINI STRET

**PABLIK NOTIS**

Sapos yu laik advertais, telepon 25 2500 na askim long

MIRI AIORI long Ext 203  
JOHNATHAN BONIEPE long Ext 215  
KOSINTO FOSAGU long Ext 218

**POSITION VACANT**

Confidential Secretary/Personal Assistant to the General Manager.

We are looking for a suitably qualified and experienced person who will be responsible to the General Manager for all executive secretarial duties and provide general support services in administration.

Applicants must have formal qualifications in stenosecretarial studies with experience of not less than 5 years in a similar position, preferably in the private sector.

Applicants must have interpersonal skills, tact, initiatives and the ability to work under pressure. A good command of both written and spoken English and the ability to communicate confidently and effectively with people are necessary requirements.

A remuneration package commensurate with necessary requirements will be offered to the right person.

Please apply in writing together with personal particulars, work experience, telephone contact and the names of two referees to:

The General Manager  
P O Box 7197  
Boroko NCD

Applications close on 31 July 1991.



NATIONAL RESEARCH INSTITUTE

**ECONOMIC STUDIES DIVISION**

Applications are invited from suitably qualified nationals for the position of:

Senior Research Fellow

Duties:

Supervise and guide the research work of the staff in the Economic Studies Division; carry out research in the area of macroeconomics; monitor the day-to-day macroeconomic policy developments affecting Papua New Guinea; and attend to any other related responsibilities.

Qualifications:

A Masters degree or a Doctorate in Economics from a recognised University, a sound understanding of the Papua New Guinean economy, its issues and problems; proven research or work experience (preferably in macroeconomic issues); and good administrative ability.

Applications giving the names and addresses of two referees should be forwarded, on or before 26 July 1991, to:

Dr. Nima L. Fernando  
Head Economic Studies Division  
National Research Institute  
P O Box 5854  
Boroko, NCD

Please mark envelope "HEAD ECONOMIC STUDIES DIVISION"



DEPARTMENT OF  
PRIME MINISTER &  
NATIONAL EXECUTIVE COUNCIL

*Bereavement*

THE LATE ELSIE HESINGUT

Daughter of  
the Member for Finschhafen, Hon. Henu Hesingut, MP.

THE SECRETARY AND STAFF OF THE  
DEPARTMENT OF PRIME MINISTER & NEC WISH TO CONVEY  
THEIR DEEPEST SYMPATHY AND CONDOLENCE  
TO MR AND MRS HESINGUT  
ON THE LOSS OF THEIR BELOVED DAUGHTER  
THE LATE ELSIE HESINGUT

MAY HER SOUL REST IN PEACE



OFFICE OF  
THE PRIME MINISTER

*Bereavement*

ELSIE HESINGUT

The late eldest Daughter of  
the Member for Finschhafen, Hon. Henu Hesingut, MP.

THE PRIME MINISTER RT. HON RABBIE L. NAMALIU, CMG, MP.  
AND HIS WIFE MARGARET, ON BEHALF OF THE GOVERNMENT  
AND PEOPLE OF PAPUA NEW GUINEA,  
WISH TO CONVEY  
THEIR HEARTFELT SYMPATHY AND CONDOLENCE  
TO MR AND MRS HESINGUT  
ON THE LOSS OF THEIR DEAREST DAUGHTER  
THE LATE ELSIE HESINGUT WHO DIED  
ON SATURDAY, 20 JULY, 1991

MAY HER SOUL REST IN PEACE



# SOFBAL

# FAINAL FIVA NAU

## BOMANA SOFBAL:

BOMANA op sisen sofbal resis ausait long Mosbi i kamap long fainal bilong em nau.

Long lata nau em McGregor 1 i wok long bosim, na em bai i no inap long givim sans long ol arapela tim. MCGregor 1 i stap antap wantaim 24 poin.

McGregor 1 bai i no inap long pilai long dispela wiken. Bikos em bai i stap long bye. Oisem na husat tim i pilai long dispela wiken i mas tingting gut taim em bungim McGregor 1 long neks wiken.

Narapela strongpela tim tu em McGregor 2. McGregor 2 i sindaun long namba tu ples bihain long McGregor 1 wantaim 22 poin. Em bai i bungim McGregor 3 long dispela wiken.

McGregor 3 i mas sambai gut. Bikos ol meri bilong McGregor 2 i no inap isi isi long ol, taim ol i bung.

Husat i win bai bungim McGregor 1 long neks wiken.

Tim husat i ran long namba tri ples long poin lata em McGregor 3. Dispela tim i gat ol yangpela meri tasol. Na ol bai i pait strong long skelim pawa strong bikpela ol bikpela susa na mama bilong ol i kam daun long fainal. McGregor 3 i gat 20 poin.

Dok Yunit na Bomana 4 i gat 20 poin tu oisem McGregor 3. Tasol McGregor 3 i ran pas long tupela. Bikos em i gat moa skoa long tupela. McGregor 3 bai i bungim McGregor 2 long dispela wiken. Na sapos em i no win, em bai i bungim McGregor 1 long neks wiken.

McGregor 1 i no ken luk daun long McGregor 3. Bikos McGregor 3 em ol yangpela blut ya. Oisem na ol i gat moa pawa long ran, paitim bal strong na ketsim bal gut.

Oisem na sapos wok i go rong, bai McGregor 3 i winim namba wan taitel bilong Bomana sofball resis.

Ol 5-pela top tim tasol bai i pilai long fainal. Na tupela tim bai i bng long gren fainal.

Nem bilong ol 5-pela tim husat i winim sans pinis long fainal em McGregor 1, McGregor 2, McGregor 3, Dok Yunit na Bomana 4.

Dispela wiken McGregor 2 bai i bungim McGregor 3 long Bomana sofball Graun. Wina bilong dispela gem bai i bungim McGregor 1 long neks wiken.

Dok Yunit bai i bungim Bomana 4. Na wina bilong tupela bai i bungim lusa bilong McGregor 2 na McGregor 3 gem.

Tim husat i lus namel long Dok Yunit na Bomana 4 i ken hangamapim su, na wetim neks sisen gen.

Presiden bilong Bomana op sisen resis, Andrew Moe i tok tim husat i no gat planti asua long gem bai i winim 1991 Bomana op sisen taitel. Sapos dispela tim i no komplem long wanpela samting tasol em i het strong long gem bilong em bai win.

Andrew Moe i tok fainal bai i stap tupela aua, sapos ol tim i kam hariap long taim. Em i tok ol 5-pela tim tasol i stap antap long lata bai i pilai long fainal.

Na olgeta dispela tim i stap long fainal i mas kamap long taim. Bikos wanem tupela tim i pinis bai narapela tupela i stat bihain tasol.

## BOMANA SOFBAL LATA

TIM	1991 SISEN	POIN
McGregor 1	.....	24
McGregor 2	.....	22
McGregor 3	.....	20
Dog Unit	.....	20
Bomana 4	.....	20
Bomana 1	.....	14
McGregor 4	.....	12
C. I. S.	.....	12
Bomana 2	.....	12
Gordens 1	.....	10
Bomana 3	.....	10
Kila 1	.....	6
Gordons 2	.....	2



• Simon Manet bilong Elcom i paitim bal strong, na i helpim tim bilong em long winim Island Hawks 7-6. Dispela em long 1990/91 sofball sisen bilong ol man long Mosbi.



• Stail bilong Goroka sofball resis long 1990/91 sofball sisen. Namba 16 i kamap long taim stret bipo long birua nogut i autim tiket bilong em.



# BENSON and HEDGES

# Goroka i no baim K500 yet

## YAKAM KELO i raitim

**GOROKA** Soka Asosiesen (GSA) i gat K500 i stap yet long baim Nesenel Spot Institut (NSI).

GSA i save baim K2,000 olgeta yia long yusim pilai graun bilong NSI long holim ol soka gem long olgeta wiken.

Insait long dispela mani, K1,500 i bilong yusim graun na ol samting bilong NSI. Na K500 em olsem bon fi we GSA i save baim long bungim

K2,000 mak bilong olgeta yia.

Akauten bilong NSI, Jeffery Gideon i tok dispela K500 bon fi i bilong was long ol samting i bagarap.

Sapos i gat pait o birua i kamap, na ol samting bilong NSI i bagarap, bai dispela K500 i ken karamapim ol dispela bagarap.

Jeffery i tok ripot i kamap long *Wantok Niuspepa* las wik i no tru. Ripot bilong las wik i tok long GSA i save baim K2,500 long NSI.

Jeffery i tok NSI i

save lukautim tu ol arapela pilai olsem sofbal, netbal na etletik.

Olgeta samting i orait, tasol sapos ol klap insait long ol dispela asosiesen i kamapim hevi, bai NSI i stretim wantaim asosiesen bilong ol.


Em i tok GSA i baim pinis K1,500 bilong em tasol em i no baim yet K500 bon fi bilong em. GSA bai i baim tasol, em i no makim taim em bai i pinisim dispela fi bilong em.

Jeffery i tok GSA i save statim pilai

bilong em long mun Epril na pinisim long stat bilong mun Okto- ba.

Bikos bihain long soka gem bai sisen bilong sofbal i stat gen. Na Goroka Sof- ball Asosiesen gen bai yusim ol pilai graun.

Em i tok nau yet NSI i no kisim ripot bilong GSA long wanem hap em i stat long en nau. Tasol em i tok ol samting i save go orait. Olsem na ol bai i kisim ripot bilong GSA long likiik taim bihain.



# Rabaul soka sambai long joinim PNGFA

## YAKAM KELO i raitim

**RABAUL** Soka Asosiesen (RSA) i bin lusim nesenel soka bodi, Papua Niugini Futbol Asosiesen (PNGFA) long 1988 i kam inap 1991.

Nupela presiden bilong asosiesen, Albert Jalmain i tok dispela yia tasol em RSA i laik memba gen long PNGFA. Em i tok asosiesen i gat K4,000 pinis long memba. Tasol asosiesen i laik baim K2,000 pastaim long dispela yia. Na narapela K2,000 em asosiesen bai i baim long neks yia.

Long 1988 Rabaul Soka Asosiesen i bin lukautim Nesenel Anda 19 sempionsip. Dispela em long taim asosiesen i memba wantaim PNGFA. Na long dispela yia i kam, asosiesen i no save long husat em presiden bilong PNGFA.

Albert Jalmain i tok ol resis i wok long kamap yet long dispela taim i kam inap nau. Tasol ol i no kam aninit long nem bilong PNGFA.

As bilong dispela i stap long ol eksekutiv bilong bipo. Bikos ol i no baim membasip mani i go long PNGFA. Na tu i nogat gutpela wok bilong ranim asosiesen.

Dispela yia eksekutiv bilong Albert Jamain bai i traime long bungim ol samting na stretim. Asosiesen i lukluk long pilaim gren fainal bilong em long dispela

mun yet (Julai, 1991).

Nau yet i gat sampela wos aut gem i stap yet, na asosiesen i traime nau long pinisim ol dispela gem. Sampela bilong ol dispela gem i bin kamap long Tunde long pablik holide.

Albert Jalmain i tok moa olsem nau yet i gat sampela komplem i kamap namel long ol klap long resistesen bilong ol pilai. Dispela wik yet ol klap opisal i bin kibung wantaim ol eksekutiv bilong

asosiesen long stretim dispela. Mista Jalmain i laikim ol dispela asua long pinis hariap. Bikos asosiesen i laik pinisim gren fainal hariap wantaim nogat hevi.

Rabaul soka resis i gat 8-pela primia klap olgeta. I gat resis bilong ol arapela divisen tu olsem primia risev, anda 19, na bilong ol meri.

Las wik Rabaul Soka Asosiesen i bin lukautim soka tonamen

bilong Niugini Ailan riji. Dispela tonamen i bin kamap na pinis gut. Na nau yet ol opisal i redim tim bilong Rabaul long go kik long Lae Bisket Kap tonamen long Kimbe, Wes Nu Briten provins.

Mista Jalmain i tok moa olsem em i kisim tok- save pinis long PNGFA long ol nesenel tonamen bilong dispela yia. Tasol Rabaul Soka Asosiesen bai i go het long pilaim ol lokol tonamen pastaim.



• Pilala bilong St Peters i trikim kas bilong Dela Salle long Anda 14 soka resis bilong Mosbi long las wiken.



• Mosbi i winim dispela sempionsip.

## NESENEL ANDA 16 SEMPIONSIP

### FAINAL POIN LATA

TEAM	Played	Won	Draws	Lost	For	Against	Difference	Points
Moresby	6	4	1	1	13	1	12	9
Mt. Hagen	6	4	0	2	7	6	1	8
Morobe cntry	6	3	1	2	13	7	6	7
Madang	6	3	1	2	8	9	-1	7
Goroka	6	3	0	3	8	10	-2	6
Enga	6	1	3	2	4	5	-1	5
Lae	6	0	0	6	2	17	-15	0

# Enga lukautim gut Anda 16 tonamen

WABEG soka? Enga soka? Em i tru olsem nem Wabeg insait long Enga provins i no save kamap planti taim tumas long soka.

Dispela em i no rong bilong Wabeg. Nogat. Bikos planti ol niusman i no save tokaut long wanem kain ol soka stori i save kamap insait long Wabeg o Enga province.

Long las tu yia, Enga i holim taitel bilong nesanel anda 16 sempionsip. Na long wiken bilong 20 Julai i kam inap 22 Julai 1991, bikipela soka resis bilong ol anda 16 i kamap.

PNGFA i holim dispela resis insait long Wabeg, Enga provins. Husat ol manmeri i go lukim dispela resis i amamas tru long ol pilai. Na tu planti manmeri husat i no save harim ol stori bilong soka long Enga, ai

bilong ol i op na nau, ol i save olsem .... Enga tu i gat nem long soka.


## SPOT - ENGA STAIL!

Long taim bilong dispela bikipela anda 16 soka sempionsip resis, i bin gat planti gutpela samting tru mi lukim.

Namba wan samting - Olgeta spot insait long provins i pas. Olgeta manmeri husat save sapatol ol arapela spot i kam lukim soka tasol. Bikos olgeta spot insait long provins i kam aninit long wampela bodi tasol - Enga spots.

Namba tu samting em sekyuriti. Planti ol man nambis i save pret long go antap long Enga. Tasol, mi yet lukim long dispela tonamen olsem, o l plisman antap long Enga i givim top sekyuriti tru. Na nogat wampela trabel o hevi i bin kamap.

Namba tri - pilai graun bilong Wabeg i no gutpela tumas olsem Goroka o Hagen. Tasol, soka asosiesen bilong asples i mekim bikipela wok tru long kamapim tupela gutpela pilai graun we resis ya i bin kamap.



Na mi gat bikipela bilip olsem long wan o tu yia taim, dispela tupela pilai graun bai i luk wankain tru olsem bilong Sir Hubert Murray stedium long Mosbi.

Namba 4 - Ol man i go pas long ranim dispela tonamen i mekim gutpela wok tru. Planti

samting i ran bihainim stret plen. I bin gat liklik ren tasol long taim bilong presentesen, na ol pipel na pilaia i kol. Tasol olgeta arapela samting i go het gut tru.

Namba 5 - Stendet bilong pilai bilong planti ol dispela yangpela i resis long tonamen ya i gutpela tru. Ol tim olsem Hagen, Wabeg, Goroka, na Mosbi i bin gat gutpela set gem. Ol i no kik nating nating, nogat. Ol i kik isi bihainim tok kosa i bin tok.

Planti ol dispela tim tu i gat tupela o tripela man i stiaim tim i bihainim dispela set gem i plen. Wan wan taim tu, i bin i gat Wau Bulolo stil. Tasol em i wok bilong ol kosa long stiaim na putim ol aidia bilong gutpela soka insait long tingting bilong planti ol dispela yangpela boi.

Namba 6 - Mi laik tok amamas

i go long ol referi husat i kamap long lukautim ol gem bilong dispela bikipela resis. Em ol referi bilong Simbu, Hagen, Wabeg, Madang na Mosbi. Bel bilong mi i hevi liklik olsem Lae i no salim sampela referi. Olsem wanem bai Paul Pondo i lukautim wok referi bilong PNG tasol, bai no gat wampela referi bilong asosiesen bilong em i no kam helpim PNGFA?

Las tru, mi gat bikipela amamas tru long PNGFA. Bikos em i bringim soka i go tru long ol manmeri bilong PNG. Soka i no stap tasol long Mosbi na Lae - nogat. Mi laikim olsem neks taim ol tonamen i kamap, PNGFA i mas helpim ol senta olsem Kimbe, Popondeta and Morobe kantri long holim ol dispela tonamen.



• Em stail bilong namba wan divisen soka resis long Mosbi las wiken. Pilaia long lephan i pret long bal na i haitim pes bilong em.



# Hagen redi nau long fainal

HAGEN Soka Asosiesen (HSA) i redim nau long go insait long fainal long pinisim olgeta raun bilong sisen long dispela yia.

Het kosa bilong Hagen, Malai Kendriu i tok olgeta primia gem i pinis, na ol i wet tasol long pilaim fainal. Em i tok ol eksekyutiv i no kibung yet long makim husat tim bai i pilai long fainal. Bikos ol i bin go long Anda 16 tonamen long Wabeg long las wiken.

Namba wan divisen tu i pinisim olgeta raun bilong em wantaim primia divisen. Na i wet tasol i stap.

Sampela gem bilong ol arapela divisen klostu long pinis.

Ol bai wet liklik tasol long gem bilong ol meri, na seken divisen long pinis. Sapos tupela divisen ya i pinisim gem bilong ol, bai olgeta i redi long bikipela de bilong pilaim ol fainal bilong ol.

Malai i tok Hagen i wok long stretim ol samting long soka graun long holim sempionsip bilong ol meri long mun Ogas long dispela yia. Nau yet ol i katim ol gras, na penim mak

i go moa long pes 23

## MOSBI SOKA LATA

### MOSBI SOKA ASOSEISEN LATA WIK 19


Table with columns: Division, Played, Win, Draw, Lose, For, Against, Points. Lists Premier Division Ladder, 1st Division Ladder, and 2nd Division Ladder with various team names and stats.

Table with columns: Division, Played, Win, Draw, Lose, For, Against, Points. Lists Premier Reserve Ladder and Womens Division Ladder with various team names and stats.

Advertisement for B&H Benson and Hedges. Features the B&H logo at the top and bottom, and the text 'BENSON and HEDGES' in large, stylized letters in the center.



• Tupela pilala bilong namba wan divisen soka resis long Mosbi i pait long kisim bal las wiken. Mosbi soka resis bal klostu i kamap long fainal nau, na ol tim i pait strong stret long go insait long fainal.



## Mosbi autim Anda 16 taitel

ANDA 16 Nesenel sempionsip taitel i pundaun antap long han bilong Mosbi.

Sempionsip i bin kamap long Wabeg long las wiken.

Sempionsip bilong Anda 16 i bin kamap insait long Raun Robin. Bikos Kimbe i bin kamap long tonamen. Ol i bin plenim long holim gem insait long pul sistem tasol long dispela hevi na ol opisal i lusim long Raun Robin.

Enga husat i bin sempion long 1989, i kamapim strongpela salens tru long Sarere, na i kamap namba tu long poin. Em i dro wantaim Mosbi, na i autim Lae 1-0. Em i kisim tripela poin long Sarere na i kamap namba tu.

Long Sande, em i dro long tupela

gem. Wanpela wantaim Madang na narapela wantaim Morobe Kauntri. Long dispela taim em i stat long lusim sans bilong em long win. Long namba tri de, em i lus long Hagen na Goroka.

Long namba tu de, ol yangpela bilong Mosbi i soim pawa bilong ol long autim Morobe Kauntri na Hagen.

Long las de Enga winim Lae 2-0, na Goroka 4-0. Long dispela taim skin bilong ol manki Mosbi i kirap long mekim save long ol arapela senta.

Mosbi tim i gat ol skul manki bilong ol kain kain haikul long Mosbi, na ol i bin pilaim gutpela gem tru long autim dispela taitel.

## Hagen i redi long fainal nau

i kam long pes 22

long pilai graun na gol pos i stap.

Ol i wokim tu haus bilong ol opisal i ken sindaun long en na lukautim tonamen.

Em i tok Hagen i redi long lukautim tonamen Nesenel Wimens sempionsip bikos ol wok rere bilong tonamen i wok long kamap.

Malai i tok em i gat bikipela amamas long Anda 16 tim bilong Hagen. Bikos ol i bin pilai gutpela gem tru long tonamen long las wiken long Wabeg. Em i tok Hagen i bin lusim taitel bilong em i go long Mosbi. Bikos ol i gat planti yangpela na nupela manki long

tonamen.

Em i tok neks yia i bilong Hagen stret. Bikos ol lain manki ya i pilim pinis swit bilong tonamen long dispela yia. Hagen i bin kamap namba tu long Mosbi long dispela tonamen, na i kisim namba tu prais.

Ol prais ya em silva medal wantaim tropi na prais bilong gutpela tim long tonamen.

### MOSBI SOKA ASOSIESEN DRO WIK 10 Sarere 27th Julai 1991.

Taim	Divisen	Graun	Pilai	
9.00	Res	B1	Golo	vs Amalpak M. U
10.30	2nd	B1	Gala United	vs Maniota
12.20	Wom	B1	University	vs Milne Bay
2.00	1st	B1	Kula	v STC
4.00	1st	B1	Milne Bay	v Wanzesi
9.00	2nd	B2	Mt Obree	vs Amazon Bay
10.30	Wom	B2	Amalpak M. U	vs T. Defence
12.20	1st	B2	Buresong	vs Air Niugini
2.00	Prem	B2	Golo	v Amalpak M. U
4.00	Prem	B2	University	vs Guria
9.00	2nd	G.F.C	Oruka	vs BFC
10.30	2nd	G.F.C	Cloudy Bay	vs Buresong
12.00	2nd	G.F.C	Wanzesi	vs Mana
1.30	2nd	G.F.C	Bao-Mitas	vs Losegu
3.00	Res	G.F.C	Sobou	vs Kurti-Andra
12.00	U/19	Defence	Bao-Mitas	vs University
1.30	Res	Defence	B. Kumuls	vs GFC
3.00	U19	Defence	Amalpak M. U	vs Buresong
4.00	U19	Defence	T. Defence	vs Sobou

Sande 28th Julai, 1991.

Taim	Divisen	Graun	Pilai	
9.00	Res	B1	University	vs Guria
10.30	Wom	B1	Sobou	vs Kurti-Andra
12.20	1st	B1	Bao-Mitas	vs Nali
2.00	Pre	B1	Westpac	vs Rapatona
4.00	Pre	B1	Sobou	vs Kurti-Andra
9.00	2nd	B2	Korion	vs Tarangau
10.30	Wom	B2	Guria	vs Wanzesi
12.20	1st	B2	Koupa	vs Tarangau
2.00	Pre	B2	T. Defence	vs Verave
4.00	Pre	B2	B. Kumul	vs GFC
9.00	2nd	G.F.C	Buresong	vs Losegu
10.30	2nd	G.F.C	Wanzesi	vs Sulem
12.00	2nd	G.F.C	Cloudy Bay	vs Maniota
1.30	Wom	G.F.C	B. Kumuls	vs GFC
3.00	Res	G.F.C	T. Defence	vs Verave
4.30	2nd	G.F.C	Bao-Mitas	vs Mt Obree
9.00	U/19	Defence	Golo	vs Kurti-Andra
10.30	U/19	Defence	B. Kumuls	vs Westpac
12.00	Wom	Defence	Koupa	vs Kula
1.30	U/19	Defence	Verave	vs Rapatona
3.00	U/19	Defence	GFC	vs Guria
4.30	2nd	Defence	Oruka	vs Amazon Bay

Bye: First BFC

Reserve: Westpac

NOTE: All second division will double up games as from this weekend 28/7/91.



## Momase rijonel kibung luksave long K20,000 helpim

KIBUNG bilong Momase Rijonel Soka Asosiesen i tokaut long 4-pela provinsal gavman long rijon long sapotim bikipela tonamen bilong em.

Dispela Momase Rijonel tonamen bai i kamap long Wewak long Oktoba, 1991.

Kibung i pasim tok orait olsem 4-pela provinsal gavman long rijon bai i sapotim Momase Rijonel soka tonamen wantaim K20,000 olgeta. Asosiesen bai i yusim dispela mani long lukautim tonamen.

Asosiesen i bin givim wanpela askim i go pinis long las kibung bilong ol Momase primia long dispela helpim.

Pandi i tok wan wan provins, Morobe, Madang, Is Sepik na Sandaun bai i lukluk long askim provinsal gavman bilong ol long givim K5,000 bilong kamap long dispela K20,000 helpim mani em asosiesen i bin askim.

Pandi i tok Momase em i namba wan soka rijon long kantri. Olsem na 4-pela provinsal gavman bilong rijon i mas sapotim soka insait long provins.

Kibung bilong Momase Rijonel Soka Asosiesen i bin kamap long Madang long tupela wik i go pinis. Olgeta mausman bilong wan wan soka asosiesen long rijon olsem Wewak, Madang, Lae na Morobe

Kantri i bin kamap long dispela kibung.



Pandi i tok Vanimo tasol i no salim wanpela mausman long dispela kibung.

Las wik tasol Wewak Soka Asosiesen i lukautim bikipela Somare Sil tonamen we moa long 32 tim olgeta i kik. Dispela em wanpela provinsal tonamen we wan wan tim long ol ausait provis i save go kik tu.

Insait long kibung long Madang, ol eksekutiv bilong Momase Rijonel Soka Asosiesen i pasim tok orait long Wewak i lukautim dispela Momase tonamen. Na ol samting Wewak Soka Asosiesen i yusim long lukautim dispela Somare Sil tonamen, bai ol i yusim gen long lukautim Momase Rijonel tonamen.

Wewak Soka Asosiesen bai i kisim helpim bilong Is Sepik provinsal spot opis long lukautim tonamen. Provinsal spot kodineta, Terence Moka i tokaut pinis olsem olgeta wok rere i bihainim tasol plen.

1991 Saut Pasifik Gems bai i kamap long namba 7 de bilong Septemba, 1991 i go inap long 21 Septemba, 1991. Na bihain long dispela bikipela spot bai Momase Rijonel tonamen i kamap.



### INSAIT

• Goroka soka i no baim K500 yet ..... p21

• Hagen redi long fainal nau ..... p22

• Momase kibung luksave long K20,000 helpim ..... p23

MOSBI SOKA  
LATA  
- PES 22



- PES 22


Printed and published by Anna Bernadette Solomon, of Bitten Place, Gordons, at Allotment 2, Section 209, Hohola

# GURIA BUNGIM YUNI NAU

### Taim bilong ol yangpela blut yet ...



• MOSBI SKUL BOIS RESIS: Liklik bol bilong De la Salle (raithan) i swing narakain long kikim bal egensim pilaia bilong St Peters long Anda 14 soka resis long Murray Bareks las wiken. Poto Misako Elemiah.



• Simon Emmanuel

GFC bai i slekim pawa bilong kompetisen lida, Yunivesiti long pusim narapela top tim, Amalpak Morobe Yunaitet i go daun moa long primia divisen lata bilong Mosbi soka resis.

GFC i bin kisim bek namba tu ples bilong em bihain long Morobe Yunaitet i bin kisim long em sampela taim i go pinis.

Nau yet Morobe Yunaitet i kamap strong, na pawa bilong em i kamap ples klia long taim em i kisim namba tu ples bilong GFC.


GFC i givim inap sans pinis, na em bai i no inap long westim wanpela gen. Bikos klostu bai olgeta resis i pinis na go insait long fainal.

GFC i bin i go daun long lata, na i goap gen nau. Em isave pinis long asua bilong em, na i wok long goap isi isi nau. Olsem na fainal bai i no inap strong tumas long em.

Dispela wiken GFC bai i bungim Blu Kumuls long kisim tupela isi poin. Na holim pasim namba tu ples bilong em inap fainal i kamap.

Gutpela pilai bilong golkipa Abel llaita long umben bai i kirapim tingting bilong ol pilaia long winim dispela gem. Noel Basausau bai i mekim bikipela wok long midfil, na pusim straika John Forova long mekim nais long umben bilong Blu Kumuls.

Rapatona bai i strong long winim



• Steven Mune



• Joe Turia

### MOSBI:

gem bilong em wantaim Westpac long dispela wiken. Rapatona i luksave pinis olsem em i mas go insait long fainal. Olsem na em bai i pilai strong long autim yangpela Westpac tim.

Toru Turia bai i lukautim beklain, na yusim olgeta strong bilong em long stapim ol straika na arapela fowat pilaia bilong Westpac long skoa.

Alois Wabianik wantaim Jeffery Emang bai i bung wantaim long lukautim ensin rum bilong Rapatona.

### LAE:

## Nogat gem long wiken sapos ol referi i straik yet

### YAKAM KELO I raitim

LAE Futbol Asosiesen (LFA) i no holim LFA Kap soka resis long las wiken. Bikos ol referi i no stap long lukautim gem.

Mausman bilong ol referi long Lae, Valentine Pandi i tok ol referi bai i no inap long lukautim gem inap hevi bilong ol i orait. Bikipela hevi i bin kamap long ol referi long Sarere 13 Julai 1991, long gem namel long Golo na Jaura.

Pandi i tok wanpela referi bilong LFA i bin kisim bagarap bikos long kros namel long ol Jaura na Golo pilaia bihain long gem. Tupela tim yet i bin kros bihain long gem i pinis. Tasolk ol i kirap na tanim long referi husat i bin lukautim dispela gem, na paitim em.

Dispela referi i bin go insait long klap haus long sevim em yet, tasol ol sapota na pilaia bilong Jaura na Golo i kam insait na bagarapim em. Ripot i tok referi ya i kisim bikipela bagarap long maus bilong em.

Long kibung bilong ol referi, ol i raitim pas i go long judiseri komiti bilong LFA long wanem rot bai ol i stretim dispela hevi. Pandi i tok ol referi i tok long stapim gem long dispela wiken tu tu i laik stapim olgeta gem bilong dispela sisen.

Pandi i tok ol referi i no gat wanpela tingting no gut long LFA. Tasol ol i putim dispela hevi i go long olgeta wan wan klap na tim insait long LFA.

Pandi i tok ol referi i man tasol olsem ol pilaia. Na ol i givim taim bilong ol long helpim na lukautim soka insait long Lae. Ol i gat laik long kirapim soka insait long ol yangpela. Olsem na ol i givim sevis bilong ol long gem. Tasol taim ol i save kisim dispela kain hevi, ol tingting planti nau long lusim gem olgeta.

Pandi i tok presiden bilong LFA, John Peka i wan bel long ol referi long lusim gem long las wiken. Dispela em long skulim ol pilaia husat i save putim bel hat bilong ol antap long ol referi.

Tasol bai ol i kibung long Fonde (tude) na traim painimaut sapos gem bai i het go yet o no gat. Ripot i tok komplem i bin kamap taim tupela i dro long ful taim skoa.

## MOSBI SOKA DRO - PES 23

**B&H**

**BENSON**  
and  
**HEDGES**





# RUGBY

Namba 23

Fonde 25 Julai, 1991

**NIUS**

## TARANGAU BUNGIM SALENS GEN

Stail bilong yangpela Kumul ya ...

**LEO WAFIWA i raitim**
**MOSBI:**

DISPELA wiken Kone Tigers bai i traim bun wantaim kompetisen lida, Tarangau long kisim tupela poin. Na traim long go insait long fainal bilong Mosbi Winfield Lig resis.

Las wik Brothers i bagarapim sindaun bilong Tarangau long ai bilong ol sapota bilong em. Olsem na dispela wiken Tarangau bai i no inap pilai kaskas long Tigers.

Bikos em i mas winim dispela gem long strongim yet namba wan posisen bilong em. Sapos nogat bai Wes i bungim em long lata. Bikos nau yet Wes i sot long tupela poin tasol long bungim Tarangau.

Tigers i mas putim olgeta tingting na strong na pilai olsem wanpela tim. Dispela em sapos em i laik winim dispela gem long han bilong Tarangau.

Tigers bai kisim bikpela helpim long Jimmy Lalatute long beklain. Lalatute i no bin pilai long sampela gem i go pinis. Bikos em i kisim bagarap long leg bilong em. Dispela Sande em bai i traim long bringim Tigers i goap i go insait long fainal top 5 posisen.

Lalatute em i wanpela pilaia husat i skoarim planti trai long dispela sisen. Dispela wiken em bai i sanap long fulbek posisen, na bungim stail wantaim ol beklain pilaia. Em bai i amamas long pilai egensim namba wan tim bilong resis.

"Mi lukim olsem em i tulet pinis long mipela i go insait long fainal. Tasol sapos mipela i win long dispela Sande bai, mipela bai i gat sans long nara-pela tupela gem," Lalatute i tok.

Lalatute bai i kisim bikpela helpim tu long ol beklain pilaia olsem Ivan Turia, Mabata Noho na Charlie Maiva. Ol dispela pilaia bai i strongim Tigers long win.

Lok Gideon Mati bai i go pas long fowat lain. Em bai i kisim sampela helpim long ol arapela fowat pilaia olsem Ono Ono na Araga Warika.

Las wik Tigers i stap long bye. Olsem na dispela Sande Tigers bai kamapim planti het pen stret long ol pilaia bilong Tarangau.

Tarangau wantaim planti risev pilaia i mas pilai strong moa long holim namba wan posisen inap fainal i stat long 4-pela wik taim. Long fowat lain em Kipel Kanaka bai i go pas wantaim sapot bilong Frans Kakarya.

Bikpela Ben Bire i bin bagarap long gem bilong las wiken egensim Brothers. Olsem na RLN i no save sapos em bai i kisim fil long wiken o nogat.

i go moa long pes 3



• Insait senta bilong Mosbi Vipers, Joshua Kouoru i sisti tasol em i pas long faiv et bilong Kundiawa Warriors, Kepi Saea. Joshua em wanpela nupela Kumul pilaia. Tupela tim ya i bung long inta siti gem las wiken long Kundiawa, na Warriors i win 21-20. Poto Sape Metta.

**INSAIT**

 • Morobe Lig  
painim fil nau ..... p2

 • Mosbi junia lig  
dro ..... p2

 • Wes redi nau long  
fainal ..... p3

 PROVINS DRO NA  
LATA - PES 4 na 5

 • Pilai pinis  
narakain ..... p7

 • Vipers bungim  
Muruks nau ..... p8

# Winfield League '91

SATURDAY, 27TH JULY, 1991

ROUND 24

Lloyd Robson Oval

Table with columns: Time, Division, Fixtures. Rows include Res vs Waliya, Kone vs Paga, etc.

Port Moresby Rugby League Oval number 2

Table with columns: Time, Division, Fixtures. Rows include U/17 Kone vs Paga, etc.

Port Moresby Rugby League Oval number 3

Table with columns: Time, Division, Fixtures. Rows include U/17 Brothers vs Defence, etc.

Bye: Magani

SUNDAY, 28TH JULY, 1991

Lloyd Robson Oval

Table with columns: Time, Division, Fixtures. Rows include A Gr Royals vs DCA, etc.

Port Moresby Rugby League Oval Number 2

Table with columns: Time, Division, Fixtures. Rows include U/21 Kone vs Paga, etc.

Port Moresby Rugby League Oval Number 3

Table with columns: Time, Division, Fixtures. Rows include U/21 Brothers vs Defence, etc.

CHAMPIONSHIPS POINTS TABLE

Table with columns: TEAM, P, W, D, L, F, A, CH.PTS. Lists teams like Tarangau, Wests, etc.

U/17 POINTS TABLE

Table with columns: TEAM, P, W, D, L, F, A, CH.PTS. Lists teams like Tarangau, Hawks, etc.

U/19 POINTS TABLE

Table with columns: TEAM, P, W, D, L, F, A, CH.PTS. Lists teams like Tarangau, Hawks, etc.

U/21 POINTS TABLE

Table with columns: TEAM, P, W, D, L, F, A, CH.PTS. Lists teams like Brothers, Air Niugini, etc.

RESERVES POINTS TABLE

Table with columns: TEAM, P, W, D, L, F, A, CH.PTS. Lists teams like Kone, Taangau, etc.



Eksen namel long Mosbi Vipers na Kundliwa Warriors long Inta siti gem long Kundliwa las wiken. Warriors i winim dispela gem 21-20.

Pilai graun we?

MOROBE KANTRI:

BIKPELA las A gret gem bilong Morobe Kantri Lig long dispela sisen bai i kamap dispela wiken long 7 strit Oval.

Tasol hevi bilong gutpela oval i stap yet long stat bilong sisen i kam inap nau. Na ol eksekutyiv i gat bikipela hevi bilong painim gutpela oval.

Long Tunde 23 Julai, 1991 ol eksekutyiv i holim wanpela kibung bilong painim oval.

Na yet ol eksekutyiv i lukluk long Lae So Graun oval, na Omili Spot oval.

Presiden Kuma Manoba i tok insait long fainal bilong dispela sisen, 5-pela tim olgeta bai i traim bun.

Nem bilong ol dispela tim em Big C Souths, Eels, BHP Titan Wes, Hawks, na Colgate Bulldogs. Souths i go pas long lata wantaim 22 poin, Eels na Wes i bihainim wantaim 20 poin long dispela oda, Hawks i ran bihain long namba tri ples wantaim 19 poin, Bulldogs long namba 4 ples wantaim 13 poin.

Moskito, Sharks na United i lusim pinis sans long pilai insait long fainal.

Neks wik 5-pela top tim baii bung long fainal.

Long namba tu wik, wanem tim i go pas long poin bai i sanap na wetim wina bilong namba tu na tri. Na lusa bilong namba tu na tri bai i pilaim wina bilong namba 4 na 5.

Nau yet ol eksekutyiv i lukluk long hevi bilong ol pilaiia na klap. Presiden i laikim olgeta tim i mas stretim nem bilong ol pilaiia. Na resistarim olgeta pilaiia pastaim.

Bikos planti hevi i save kamap long fainal. Long wanem planti klap i no save stretim ol samting olsem pilaiia resistesen fi bipo ol i go insait long fainal.

Presiden i tok sapos wan-pela klap i no bihainim askim bilong ol eksekutyiv, dispela klap bai i lusim tupela poin. Na bai i no inap pilai insait long fainal.

Nau yet ol eksekutyiv i laikim nem bilong olgeta pilaiia bilong wan wan klap. Na tu olgeta pilai husat i stap insait long ol tim husat bai pilai long fainal, em dokta i mas sekim ol gut pastaim. Na eksekutyiv bilong Morobe Lig i mas sekim ripot bilong dokta pastaim.

Presiden Kuma i mekim olsem bikos em i no laik kamapim planti hevi namel long ol pilaiia na sapota long taim bilong fainal.

Souths i mas soim em yet

KIUNGA:

SOUTHS i mas soim olsem em i wanpela sempion tim. Bikos em bai i bungim Tarakum long bikipela A gret gem bilong Kiunga Lig long dispela Sande.

Souths i bin kisim planti gutpela pilaiia long dispela yia. Na em i mas soim olsem em bai i stap yet long fainal.

I gat tripela gem i stap yet bipo fainal i stat. Sapos Souths i laik pilai long fainal, em i mas pilai olsem wanpela tim. Souths i gat planti gutpela pilaiia i stap bilong winim Tarakum. Tasol Tarakum bai i no inap lusim gem isi tasol long han bilong Souths.

Souths i gat ol gutpela fowat pilaiia. Tasol ol i mas toktok na pilai sapos ol i laik daunim strong bilong Tarakum.

Nau yet bikipela wok i stap long han bilong huka Toby Toto long lukautim pilai long beklain.

Na sapos gutpela pilai i no kamap long Toto, senta Baila Mase bai i no gat sans long skoarim trai. Souths i gat bikipela hevi long skram eria. Na tu em mas i gat ol gutpela pilaiia

Tarangau gat sans long fainal

MENDI:

DISPELA wiken Tarangau bai i bungim BP Brothers long bikipela A gret gem bilong Mendi Winfield Lig resis long Tente Oval. Tarangau i gat bikipela sans i stap yet long primiasip taitel.

Sapos Tarangau i winim Brothers long dispela Sande, em bai i kirapim tingting bilong ol pilaiia long winim primiasip taitel.

Las wik Tarangau i bagarapim sindaun bilong Total Hardware Bulldogs 18-10. Na dispela Sande Tarangau i gat bikipela laik long winim Brothers tu.

Nau yet Brothers i gat bikipela tingting long traim bun wantaim Tarangau. Na tu em i gat nem long pilaim gutpela na strongpela gem. Sapos Tarangau i laik skoarim moa trai, em i mas brukim banis long mak bilong em yet.

Kepten na seken rowa James Aipa i mas yusim olgeta trik long salim ol yangpela fowat pilaiia olsem Jerry Kreafam, prop Paul Tomba, huka Joshua Bosko, na lok Killan Colton long skoa.

Na hap bek Timon Junia bai i traim long salim ol arapela beklain pilaiia long skoa.

Tasol Brothers tu i gat kain hap bek olsem Matthew Sambu i stap bilong kamapim kain kain trik. Na tu em bai i traim long paulim ol pilaiia bilong Tarangau.

Long ol arapela A gret gem, Bulldogs na Hawks bai i traim bun longlukim husat i gat moa pawa. Tupela tim i gat wankain gutpela pilaiia.

WAGAMBIE'S

WHIP



## Fainal fiva nau long Mosbi resis

KLOSTU bai sampela lig i pinisim 1991 sisen bilong ol nau. Na sampela lig i statim fainal bilong ol long dispela wiken.

Long Mosbi i gat tripela moa gem bipo long fainal i stat. Na tripela tim tasol i winim sans pinis long go insait long fainal.

Nem bilong ol em Fairstar Tarangau, Wes na Brothers.

Paga Panthers, Difens na Kone Tigers i mas pait long winim tupela las posisen bilong 5 top posisen.

Tarangau na Wes bai i pait long winim maina primiasip taitel. Tarangau i bin go pas long Wes long 4-pela poin inap las wiken, we Brothers i nekim em.

Wes i bagarapim sindaun bilong Air Niugini. Olsem na em i ran bihain long Tarangau long tupela poin.

Dispela wiken tupela kompetisen lida wantaim bai i bungim strongpela salens stret. Tarangau bai i bungim Kone Tigers, na Wes bai i bungim Difens. Gem namel long Wes na Difens em bikipela gem bilong dispela wiken.

Sapos Wes i lus long Difens na Tarangau i winim Kone Tigers, Tarangau bai i winim maina primiasip taitel. Maski i gat tupela gem i stap yet.

Na sapos narapela stori i kamap we Wes i win na Tarangau i lus, tupela tim wantaim bai i sindaun long namba wan posisen. Tasol Tarangau bai i go pas long gutpela pesen.

Sapos dispela i kamap, resis bilong winim maina primiasip taitel bai i gutpela tru.

Na sapos tupela kompetisen lida i lus wantaim long dispela wiken, bai i nogat senis long poin na posisen bilong tupela.

Klostu bai inta siti resis i pinis long sampela wik taim. Na i gat bikipela bilip olsem Mosbi Vipers na Hagen Eagles bai i bung long gren fainal olsem las yia.

Kundiawa Warriors i lus olsem ol bai i pinis long namba tri ples, olsem las yia.

Olsem las yia we i gat sampela gem tasol i stap bipo long fainal, sapota bilong ol tim husat i no go insait long fainal bai i kamapim pait.

Mi askim nau ol sapota long lusim pasirin bilong pait. Yupela i noken lus tingting olsem dispela em pilai ragbi tasol we bai i stap long 80 minit na pinis.

Sapos tim bilong yupela i winim wanpela bilong fainal 5 top posisen, ol i ken wok strong long 1992 sisen.

Ol referi na asosiesen bilong ol i mas luk-save olsem gutpela namba wan referi i lukautim ol pilai Bikos wanem samtung yupela i mekim i ken kamapim bikipela pait namel long ol sapota o pilaia.

Yupela i noken bihainim pasirin bilong wanpela referi husat i no oraitim wanpela longpela fil gol kik, na i no givim wanpela ansa long wanem as na em i oraitim dispela gol.

Sampela wik i go pinis, dispela sem referi i stapim pilai taim raithan winga i givim sisti long trai lain na em i stapim gem, bikos i nogat wanpela birua long banisim em.

Referi ya i sekim wanpela pilaia husat i painim bagarap long takel na lusim bal, we birua tim i kisim. Em i tokim winga husat i kisim bal long go bek long we em i stap na pilaim bal.

Dispela tupela tok orait bilong referi ya i go long sem tim tasol.

# WES REDI LONG FAINAL



• Faiv et Tuksy Karu ... solim pes gen long Wes tim.



• Gideon Kouoru ... bai strong fowat lain.

## ... tasol em bai bungim strongpela salens bilong ol soldia nau

### MOSBI

TUPELA nambawan pilaia bilong Wes long inta siti resis i joinim bek tim, na Wes i statim pait bilong em long winim 1991 Mosbi Winfield Lig primiasip taitel. Huka Danny Moi na faiv et Tuksy Karu i joinim gen Wes tim long las wiken. Dispela em bihain long kosa na menesmen bilong Mosbi Vipers tim i lusim tupela.

Danny Moi em ol i lusim bikos ol i tok em i no pilai gut tumas. Tuksy Karu em ol i lusim bikos em i no kamap long dokta i sekim em. Tupela i kamap na amamasim win bilong Wes egenim Air Niugini long las wiken. Wes i winim Air Niugini 36-20. Na Mosbi Vipers i lusim

namba tu gem bilong em long han bilong Kundiawa Warriors 21-20.

Tupela pilaia ya i kam bek na strongim nau tingting bilong Wes long winim olgeta gem i go insait long fainal. Nau yet tupela arapela pilaia, senta Joshua Kouoru na winga Pei Mafu i stap yet long inta siti tim.

Olpela Kumul lok, Gideon Kouoru i joinim gen tim long las wiken.

Wantaim sapot bilong brata, Haoda Kouoru, tupela bai i givim bikipela hetpen stret long ol birua tim. Haoda em wanpela olupela Kumul pilaia tu.

Dispela wiken ol bai i bungim primia tim bilong las yia, Hasting Deering Difens. Ol sol-

dia i bin stat long winim ol gem long bihain liklik bilong sisen. Olsem na ol i sruk isi isi i go antap long lata.

Difens i daunim strongpela salens bilong Paga Panthers long las wiken, na i win 26-16. Dispela win i helpim ol i goap long namba 4 ples long lata (lukim pes 4 na 5). Dispela wiken ol bai i lukluk long daunim ol Wes tu.

Tasol ol pukpuk nogut bilong Wes i nogat gutpela as long lus. Beklain bilong em i gat longpela nem bilong ol gutpela nambawan pilaia olsem senta Obert Batia, Michael Toivita, fulbek Joe Mirisa, Robert Haro, faiv et Tuksy Karu, na

hap bek Steven Haro. Long fowat lain em bikipela Tati Ivara wantaim tupela Kouoru brata, Gideon na Haoda bai i go pas. Ol bai i kisim sapot bilong ol tripela Hailans kandre olsem Wilson Riru, Wani Koropa na Gabriel Wak.

Difens i lusim sampela gutpela nambawan beklain pilaia olsem Jack Uradok na James Miviri, husat i gat bagarap yet. Blaise Golu i lusim senta na i ran nau long sait lain.

George Kelei husat i kisim ples i pilaim gutpela gem nau long senta. Em bai i givim het pen liklik long Obert Batia na Robert Haro bilong Wes.

Gutpela gem tru bai i kamap long fowat lain. Difens i kisim gen ol

fowat pilaia bilong em olsem Kera Ngaffkin na Johannes Kola. Lahui Ako em i wanpela strongpela pilaia long fowat lain. Olsem na bikipela wok bai i kam long em.

Alex Togola bai i pilaim kain stail bilong em yet long huka posisen. Em bai i bungim gut stail wantaim Mathias Kitimon long faiv et posisen. Mathias i save pilai bagarap yet. Blaise Golu i lusim senta na i ran nau long sait lain. George Kelei husat i kisim ples i pilaim gutpela gem nau long senta. Em bai i givim het pen liklik long Obert Batia na Robert Haro bilong Wes.

Gutpela gem tru bai i kamap long fowat lain. Difens i kisim gen ol fowat pilaia bilong em. Alex Togola bai i pilaim kain stail bilong em yet long huka posisen. Em bai i bungim gut stail wantaim Mathias Kitimon long faiv et posisen. Mathias i save pilai bagarap yet. Blaise Golu i lusim senta na i ran nau long sait lain.

## Brothers i nekim stret Souths

### KIUNGA:

BROTHERS i winim Souths 17-10 long bikipela A gret gem bilong Kiunga Lig resis long las Sande.

Brothers i bin skoarim namba wan trai bilong gem. Dispela trai i kamap taim hap bek Nelson Davie i soim gutpela stail bilong pilai, na setim Gamai long skoa.

Gamai i bin skoarim tupela trai bilong Brothers, na i kikim wanpela penalti na fil gol. Em i kisim bikipela helpim tru

i kam long seken rowa Baki Reipa, prop George Buka, na lok Makeso Nago.

Bikipela strong i bin kamap long ol fowat pilaia. Olgeta fowat pilaia i bin takel strong, na sanapim strongpela banis stret. Dispela i stapim Souths long brukim banis na skoa.

Jackson Hayago yet i bin skoarim wanpela trai bilong Brothers. Na Nago i ikim gut kik bilong tupela poin, na bringim skoa i goap long 10-0. Souths i no

laikim ol sapota i daunim nem bilong em. Olsem na ol pilaia bilong em i putim kamap strongpela banis, na yangpela fulbek, Somono Maitona i brukim banis na skoarim namba wan trai bilong Souths.

Baila Mase i kikim gut kik bilong tupela poin long dispela trai.

Huka Toby Totu i bin traaim strong long mekim planti gutpela ran, na takel wantaim.

## Tarangau bungim salens yet long resis

i kam long pes 1

Ol pilaia husat i no pilai long las wiken em bikipela fowat, Terry "FM" Longbut na faiv et Timothy Sakare.

Ausait senta Danny Eri i bin lukautim pilai long faiv et las wiken. Sapos Timothy i kisim fil, Danny bai i go bek long senta na bungim stail wantaim insait senta Soga Dabema, na winga Michael Jim. Bikipela sapot bai i kam long hap bek Don Rore.

Danny na Rore i bin pilaim gutpela gem long las wik long lukautim pilai.

Tupela tim wantaim i gat ol gutpela beklain pilaia. Olsem na dispela bai i wanpela gutpela gem long lukim husat bai i win. Long namba wan raun tupela i bin dro. Dispela wiken sapos gem i strong yet, ating tupela bai i dro gen.

Nau yet Paga Panthers i stap long namba 5 ples long poin lata. Tasol em bai i no inap pilai long dispela wiken. Paga i stap long 27 na Tigers i stap long 23. Na sapos Tigers i winim Tarangau long dispela wiken, em bai i gat sans yet long pilai insait long fainal tu.

# Winfield League Results

## WINFIELD LEAGUE RESULTS PORT MORESBY - ROUND 23

**HAWKS** 28, 6 tries, 2 goals defeated **WALIYA** 26, 5 tries, 3 goals. **Man of the match:** KEVIN IGO

**DEFENCE** 26, 5 tries, 3 goals defeated **PAGA** 16, 3 tries, 2 goals.

**WEST** 36, 6 tries, 6 goals defeated **ANG** 20, 4 tries, 2 goals. **Man of the match:** TUKSY KARU

**SOUTHS** 20, 4 tries, 4 goals defeated **DCA** 18, 3 tries, 2 goals, 1 penalty goal. **Man of the match:** JAMES KAIA

**MAGANI** 25, 4 tries, 2 goals, 2 penalty goal, 1 field goal defeated **ROYALS** 18, 4 tries, 1 goal. **Man of the match:** JOE GATANA

**BROTHERS** 26, 5 tries, 3 goals defeated **TARANGAU** 18, 4 tries, 1 goal. **Man of the match:** AQUILA EMIL

Club	GP	W	D	L	PF	PA	Ttl pts
Tarangau	22	16	2	4	628	387	34
West	22	16	0	6	624	479	32
Brothers	22	14	1	7	546	472	29
Defence	20	11	3	6	621	395	27
Paga	22	13	1	8	590	548	27
Kone	21	11	1	9	488	551	23
DCA	21	10	2	9	466	500	22
Souths	21	10	1	8	507	453	21
Air Niugini	21	8	2	11	527	469	18
Royals	21	8	1	12	466	559	17
Magani	21	6	1	14	389	572	13
Hawks	21	4	0	17	412	617	8
Waliya	21	3	1	18	422	684	7

## WINFIELD LEAGUE DRAW PORT MORESBY - ROUND 24

DATE	TIME	CLUB	CLUB
27/7/91	2.00 pm	Magani vs	Hawks
27/7/91	3.30 pm	Waliya vs	Air Niugini
28/7/91	9.30 am	Foyals vs	DCA
28/7/91	11.00 am	Souths vs	Brothers
28/7/91	12.30 pm	Tarangau vs	Kone
28/7/91	2.00 pm	West vs	Defence

**BYE:** Paga

**Match of the round:**

West vs Defence

## WINFIELD LEAGUE RESULTS MT. HAGEN - ROUND 12

**NEWTOWN** 16, 3 tries, 2 goals defeated **HAWKS** 14, 3 tries, 1 goal. **Man of the match:** THOMAS KALI

**BROTHERS** 18, 3 tries, 3 goals defeated **ROYALS** 10, 2 tries, 1 goal. **Man of the match:** PORA PAPA

**TARANGAU** 20, 3 tries, 3 goals, 1 penalty goal drew **TIGERS** 16, 3 tries, 2 goals. **Man of the match:** GABRIEL RUMINTS

CLUB	GP	W	D	L	PF	PA	Total pts
Tigers	12	7	-	5	240	151	14
Newtown	12	6	1	5	152	136	13
Hawks	12	6	-	6	185	178	12
Tarangau	13	6	-	6	183	186	12
Brothers	12	5	1	6	176	152	11
Royals	12	3	1	8	156	214	7
Country	12	2	1	9	176	219	5

## WINFIELD LEAGUE DRAW MT. HAGEN - ROUND 13

DATE	TIME	CLUB	CLUB
28/7/91	12.30 pm	Hawks vs	Royals
28/7/91	2.15 pm	Newtown vs	Tigers
28/7/91	4.00 pm	Brothers vs	Country

**Match of the round:**

28/7/91 4.00 pm Brothers vs Country

## WINFIELD LEAGUE RESULTS GOROKA - ROUND 14

**ROYALS** 40, 7 tries, 6 goals defeated **SIANE** 22, 5 tries, 1 goal. **Man of the match:** JOSHUA MANGOVE (Royals)

**BROTHERS** 16, 3 tries, 2 goals drew **DARNO** 16, 3 tries, 2 goals. **Man of the match:** CHRIS AUWO (Brothers)

**TARANGAU** 16, 3 tries, 2 goals drew **UNITED** 16, 3 tries, 1 goal, 2 field goals. **Man of the match:** AARON REUBEN (Tarangau)

**COUNTRY** 12, 2 tries, 2 goals defeated **ROYALS** 10, 2 tries, 1 goal. **Man of the match:** PIVOKA MAIMBO (Uritoka Country)

## WINFIELD LEAGUE LADDER ROUND 14

CLUB	GP	W	D	L	PF	PA	Ttl points
Royals	14	10	1	2	277	221	21
Tarangau	12	7	2	3	286	173	16
Country	12	7	1	4	239	211	15
Tigers	12	7	1	4	233	183	15
Royals	13	7	-	6	268	255	14
Brothers	13	6	1	6	245	230	13
United	12	4	1	7	232	269	9
Siane	13	2	1	10	208	349	5
Darno	13	-	2	11	118	208	2

## WINFIELD LEAGUE DRAW GOROKA - ROUND 15

TIME	CLUB	CLUB
28/7/91 11.45 am	Tarangau vs	Brothers
28/7/91 12.55 pm	United vs	Tigers
28/7/91 2.10 pm	Darno vs	Hawks
28/7/91 3.25 pm	Siane vs	Country

**BYE:** Royals

**Match of the round:**

Tarangau vs Brothers

## WINFIELD LEAGUE RESULTS WAHGI - ROUND 5

**MAGANI** 10, 2 tries, 2 goals defeated **TIGERS** 7, 1 try, 1 penalty goal, 1 field goal. **Man of the match:** JOHNNY APA

**BROTHERS** 20 defeated **TARANGAU**. **Man of the match:** JOHN MANN

**MONDO** 28, 6 tries, 2 goals defeated **WEST** 1 field goal. **Man of the match:** JOSEPH APE

**UNITED** 20, 4 tries, 2 goals defeated **HAWKS** 4, 1 try. **Man of the match:** KUMBUL KONTIS

## WINFIELD LEAGUE LADDER ROUND 5

CLUB	GP	W	D	L	PF	PA	Total points
United	12	16	2	1	332	202	34
Tigers	19	15	-	4	249	184	30
Brothers	18	14	1	3	352	183	28
Tarangau	12	8	1	10	300	288	17
Magani	19	6	-	13	286	291	12
Mondo	18	5	-	-	251	846	10
West	19	5	1	12	206	318	10

## WINFIELD LEAGUE DRAW WAGHI - ROUND 6

DATE	TIME	CLUB	CLUB
27/7/91	2.40 pm	Tarangau vs	Hawks
27/7/91	4.10 pm	Brothers vs	Magani
28/7/91	2.40 pm	West vs	United
28/7/91	4.10 pm	Tigers vs	Mondo

**Match of the round:**

28/7/91 4.10 pm Tigers vs Mondo

## WINFIELD LEAGUE RESULTS MENDI - ROUND 15

**BROTHERS** 20, 3 tries, 1 goal, 3 penalty goals defeated **MAGANI** 16, 4 tries. **Man of the match:** TAKON POND (Brothers)

**TARANGAU** 18, 3 tries, 1 goal, 2 penalty goal defeated **BULLDOGS** 10, 2 tries, 1 goal. **Man of the match:** LAMISITA

**ROYALS** 26, 4 tries, 4 goals defeated **HAWKS** 20, 4 tries, 1 goal, 1 penalty goal. **Man of the match:** PORA NEMA

## WINFIELD LEAGUE LADDER Round 15

Club	GP	W	D	L	PF	PA	Ttl pts
Tarangau	14	9	-	5	272	210	18
Royals	14	8	-	6	301	244	16
Bulldogs	14	8	-	6	205	208	16
Hawks	14	7	1	6	268	250	15
Brothers	14	5	2	7	270	266	12
Magani	14	3	1	10	198	290	7

## WINFIELD LEAGUE DRAW MENDI - ROUND 16

DATE	TIME	CLUB	CLUB
27/7/91	3.10 pm	Brothers vs	Tarangau
28/7/91	1.50 pm	Magani vs	Royals
28/7/91	3.10 pm	Bulldogs vs	Hawks

**Match of the round:**

28/7/91 3.10 pm Bulldogs vs Hawks

# DIFENS GAT MOA SALENS YET

**MOSBI:**  
DIFENS i winim namba 4 ples bilong Mosbi Winfield Lig resis bihain long em i winim Paga Panthers 26-16 long Lloyd Robson oval, las wiken.

Tupela tim wantaim i bin kamapim wantaim strong na gutpela pilal long namba wan hap bilong pilal. Na tu i kamapim namba wan stall bilong pilal stret.

Steven manas i go pas long fowat lain bilong Paga wantaim gutpela sapot bilong Joe Posa na Brian Singut. Singut i stap long oigeta kona bilong fil na givim oi strongpela takol stret. Na tu long taim em i kisim bal, em i save mekim oi strongpela ran.

Arua Ben Moide em narapela pilala husat i pilal strong long Panthers. Em i pilal long seken ro posisen em bikipela brata bilong em, Daroa Ben Moide i iusim na i go pilal long Vipers tim.

Difens tu i gat oi bikipela fowat pilala bilong em olsem Kera Ngaffkin, Ronald Vue, Simon Patimos na nupela Kumul pilala, Johannes Kola.

Difens i skoarim tripela trail, na Panthers i skoarim tupela trail long namba wan hap. Oi soldia i go pas long skoa 14-10 long namba wan hap.

Long namba tu hap bilong pilal, Paga i skoarim wanpela trail taso we kik bilong gol i karim kaikal. Dispela i brigimskoa bilong oi i goap long 16.

Na Difens i waraim oi wantaim moa poin long bringim skoa i goap long 26.

Difens i mas pait strong long winim tupela las top posisen. Bikos tripela top posisen em Tarangau, Wes na Brothers i winim pinis.



• Arua Ben Moide bilong Paga Panthers i laik takelim gut wanpela pilala bilong Difens, na Difens huka Alex Togola i ran bihain long helpim wan pilala bilong em. Dispela i strong na i winim Paga Panthers 26-16 long namba tu hap bilong pilal. Paga na Difens wantaim Kone Tigers i mas pait strong nau long winim tupela bilong las fainal 5 posisen.

## WINFIELD LEAGUE RESULTS KUNDIAWA - ROUND 3

**SOUTHS** 10, 2 tries, 1 goal defeated **PANTHERS** 6, 1 try, 1 goal. **Man of the match:** JEFFERY KONIA (South)

**HAWKS** 8, 2 tries defeated **TARANGAU** 4, 1 try. **Man of the match:** KUASIUI TAGAO (Hawks)

**UNITED** 8, 1 try, 2 goals, 1 penalty goal defeated **BROTHERS** 6, 1 try, 1 goal. **Man of the match:** WAREKE BARANE

## WINFIELD LEAGUE LADDER Round 3

CLUB	GP	W	D	L	PF	PA	Ttl pts
Souths	15	11	3	1	127	69	25
Hawks	15	10	1	4	127	82	21
United	15	9	2	3	102	102	20
Tigers	14	7	-	7	92	84	16
Tarangau	15	6	2	7	88	110	14
Brothers	15	6	1	9	82	109	11
Panthers	15	4	1	8	66	115	11

## WINFIELD LEAGUE DRAW KUNDIAWA - ROUND 4

DATE	TIME	CLUB	CLUB
28/7/91	12.30 pm	United vs	Tigers
28/7/91	2.15 pm	Brothers vs	Tarangau
28/7/91	4.00 pm	Hawks vs	Panthers

**BYE:** Souths

**Match of the round:**

28/7/91 4.00 pm Hawks vs Panthers

## WINFIELD LEAGUE RESULTS LAE - ROUND 13

**SPIDERS** 44, 8 tries, 6 goals defeated **MAGANI** 24, 5 tries, 2 goals. **Man of the match:** PAUL KENA (Spiders)

**PANTHERS** 52, 10 tries, 6 goals defeated **BROTHERS** 6, 1 try, 1 goal. **Man of the match:** STEVEN TUI (Panthers)

**DEFENCE** 16, 3 tries, 1 goal, 1 penalty goal drew **TIGERS** 16, 3 tries, 1 goal, 1 penalty goal. **Man of the match:** MOSES WARANDU (Defence)

**ROYALS** 14, 2 tries, 3 goals defeated **TARANGAU** 10, 1 try, 2 goals, 1 penalty goal. **Man of the match:** JOHN MARKHAM (Royals)

## WINFIELD LEAGUE LADDER ROUND 13

CLUB	GP	W	D	L	PF	PA	Total points
Royals	13	11	1	1	349	175	23
Defence	13	8	2	3	245	172	18
Tarangau	13	7	-	6	260	170	15
Tigers	13	6	2	5	252	172	14
Spiders	13	4	3	6	321	299	11
Panthers	13	6	-	7	242	225	11
Brothers	13	3	1	9	206	372	9
Magani	13	1	1	11	167	379	3

Next week draws were not available.

## WINFIELD LEAGUE RESULTS RABAUL - ROUND 14

**BROTHERS** 31, 7 tries, 1 goal, 1 field goal defeated **SEA EAGLES** 10, 2 tries, 1 goal. **Man of the match:** PUAL WILLIE (Brothers)

**BALA** 38, 7 tries, 5 goals defeated **CRUSADERS** 12, 2 tries, 2 goals. **Man of the match:** KOMIT KUNAI (Bala)

**MURUKS** 26, 5 tries, 3 goals defeated **TARANGAU** 16, 3 tries, 1 goal, 1 penalty goal. **Man of the match:** APELIS WALIA (Muruks)

**BALANATAMAN** 7, 1 try, 1 goal, 1 field goal defeated **AIR NIUGINI** 4, 1 try. **Man of the match:** SIMON ELAP

## WINFIELD LEAGUE LADDER ROUND 14

CLUB	GP	W	D	L	PF	PA	Total points
N/Raiders	14	11	1	2	362	186	23
Muruks	14	10	1	3	390	282	21
Air Niugini	14	9	1	4	315	239	19
Brothers	14	8	-	6	282	205	16
Balanataman	14	7	1	6	298	322	15
Sea Eagles	14	5	1	8	287	301	11
Tarangau	14	3	1	10	264	237	7
Crusaders	14	0	-	14	200	526	0

## WINFIELD LEAGUE DRAW RABAUL - ROUND 15

DATE	TIME	CLUB	CLUB
28/7/91	1.50 pm	Muruks vs	Air Niugini
28/7/91	3.40 pm	Brothers vs	Bala

## WINFIELD LEAGUE RESULTS MADANG - ROUND 15


**TIGERS** 32, 7 tries, 2 goals defeated **HAWKS** 6, 1 try, 1 goal. **Man of the match:** JOHN BUNBUN (Tigers)

**AIR NIUGINI** 32, 6 tries, 4 goals defeated **PANTHERS** 20, 4 tries, 2 goals. **Man of the match:** JOE ANGRA (Air Niugini)



• MOSBI: "Spaceman" bilong Air Niugini i bungim Gideon bilong Wes na autim bal hariap. Wes i winim dispela gem 36-10.


• MOSBI: Joe Mirisa bilong Wes i palnim hat long takel bilong Air Niugini.



• MOSBI: Yangpela winga bilong Paga Panthers i nogat rot egensim Difens.




• Paga Panthers i laik pilaim bal egensim ol Difens pilala long Mosbi resis las wiken.



• MOSBI: Yangpela winga bilong Paga i laik takelim birua bilong Difens. Tasol Difens i win 26-16.



• MOSBI: Mafu Kerekere bilong Tarangau i danis wantaim bal egensim Brothers long bikpela A gret gem bilong Mosbi Winfield Lig resis long las wiken. Brothers i winim gem ya.



• Wes pilala i memelm wanpela Air Niugini pilala, na ol Air Niugini pilala i ran bihain. Wes i winim dispela gem 36-10.

# Pilai pinis wantaim bel hat

## VANIMO:

BIKPELA A gret gem bilong Vanimo Ragbi Lig long las Sande i no pinis gut. Bikos i bin gat planti paul pilai, na ol pilaia i bin belhat long ol yet.

Bikpela gem i bin kamap namel long Hawks na Works Tigers. Works Tigers i pilaim gutpela strongpela gem, na i winim dispela gem 22-4.

Planti sapota i soim bel hat bilong ol tu long dispela gem. Ol i komplem olsem referi i "ai pas" tumas long planti asua ol pilaia bilong Hawks i mekim. Dispela em long namba tu hap bilong pilai.

Long namba tu hap bilong pilai, wanpela eksekutiv bilong Works Tigers, Timothy Akwi i wokabaut i go insait long fil, na askim ol pilaia bilong em long lusim fil. Bikos i nogat "fair gem" long ol pilaia bilong em. Tasol pilai i go het na pinis.

Hawks i lusim planti gutpela sans bilong skoarim moa trai. Bikos ol pilaia bilong em i no tingting long pilaim gutpela gem. Ol i tingting long soim strong egensim ol pilaia bilong Tigers, na Tigers i yusim dispela sans long pilaim gutpela gem na win long bikpela skoa.

I bin gat planti spia takol long ol pilaia. Tasol referi i no mekim wanpela samting tu long dispela.

Sampela pilaia i sutim han long pes bilong ol narapela pilaia. Na dispela i kamapim bel hat tu long ol sapota long sait lain.

Dispela gem i bin kik op long 40 minit i lusim 5 klok apinun (5.40pm). Na i stat gut tru we ol pilaia bilong tupela sait wantaim i soim gutpela stail bilong pilai.

Tasol wan tu stail bilong pilai i senis taim sampela pilaia bilong Hawks i stat long pilaim krangi pilai. Dispela em bihain long Works Tigers i skoarim tripela trai.

Foapela minit tasol i go insait long namba wan hap, ausait senta Titus Kapi i opim skoa bilong Tigers wantaim wanpela gutpela trai. Kik bilong tupela poin i no karim kaikai, na Tigers i go pas 4-0.

Samting olsem 6-pela minit bihain, raithan winga, Gilman Russel i skoarim namba tu trai. Russel em wanpela pilaia husat i kamapim nem nau long Vanimo.

Long namba wan hap bilong pilai, Tigers i skoarim 4-pela trai olgeta. Long ol dispela trai em wanpela kik bilong tupela poin tasol i karim kaikai. Na dispela i pusim Tigers i go pas long skoa 18-4. Hawks i skoarim wanpela trai tasol long namba wan hap.

Long namba tu hap

Bihain long fultaim em Tigers i winim 22-4.

Moa long tupela taim, ol pilaia bilong Hawks i laik statim pait long fil. Tasol ol Tigers pilaia i lus tingting long pait, na pilaim gutpela strongpela gem stret.

Namab wan A gret gem bilong wiken i bin kamap namel long Tarakum na Vanimo Fores. Dispela tupela birua tim i gat wankain stail bilong Hawks na Works Tigers. Vanimo Fores i waraim trangu ol Tarakum 43-12 long dispela gem.

Long namba tu gem em Difens i bungim Sea Eagles. Ol soldia i strong moa na winim dispela gem 30-4.

Long risev gret em Tarakum i bekim dinau long Vanimo Fores 24-4, Sea Eagles i



• Difens pilaia i bungim strongpela salens bilong Paga Panthers stret. Dispela em long taim tupela tim i bng long A gret resis bilong Mosbi Winfield Lig resis las wiken. Difens i winim dispela gem 26-16.



• Olpela Kumul kepten, Bal Numapo i laik autim bal egensim egensim Mosbi Vipers long Inta sitl gem las wiken. Kundliawa Warriors i winim dispela gem 21-20 long Kundliawa.

# David Buko helpim Tigers long win

## WAU BULOLO:

GUTPELA bikpela A gret gem bilong Wau Bulolo Lig long las wiken i bin kamap namel long Tomanga Tigers na Raiders. Tigers i bagarapim sindaun bilong Raiders 44-12 long dispela strongpela gem. Tenpela minit i go insait long gem na Noten son rep pilaia David Buko i skoarim namba wan trai aninit long tupela gol pos bilong Raiders.

Martin Mang i kikim gut tupela poin na Tigers i go pas long skoa 6-0.

Sampela minit bihain, Buko yet i go pas na setim Elias Vitata long skoarim namba tu trai. Kik bilong tupela poin i karim kaikai na Tigers i go pas moa long skoa 12-0.

Raiders i lukim olsem Tigers i goap yet long poin na strongim beklain bilong em. I no longtaim ol i salim ainman bilong ol, Tau Meda i go skoarim

wanpela gutpela trai aninit long gol pos. David Garap i abrusim kik bilong tupela poin. Tasol Tigers i bosim yet skoa 12-4.

Bihain long dispela trai, ol Tigers pilaia i mekim wanpela long insait long mak bilong ol yet. Raiders i kisim penelti na Garap i kisim tupela isi poin. Dispela i pusim Raiders i kamap bihain liklik long skoa wantaim 6-pela poin.

Tasol Tigers i bekim dispela taim Buko i givim sisti long sait lain na skoarim namba tu trai bilong em long gem. Kik bilong tupela poin i karim kaikai na Tigers i goap moa long skoa 18-6.

Tasol bipo long hap taim, Bongu Kasu i skoarim wanpela moa trai bilong Raiders, we kik bilong tupela poin i karim kaikai. Dispela i helpim Raiders i an bihain long 6-pela poin tasol. Hap taim skoa em 18-12 (Tigers i go pas yet).

## VANIMO RAGBI LIG DRO BILONG RAUN 2

SANDE 28 JULAI, 1991.

	GRET	PILAI
Risev	Works Tigers vs Sea Eagles	
Risev	Vanimo Fores vs Difens	
Risev	Hawks vs Tarakum (Bikpela Gem)	
A	Sea Eagles vs Works Tigers	
A	Difens vs Vanimo Fores	
A	Tarakum vs Hawks (Bikpela Gem)	

• Ol wos aut gem bai i kamap long Sande 28 Julai, 1991.

## RISAL BILONG LAS WIKEN:

**A GRET:**  
Vanimo Fores def Tarakum 43-12  
Difens def Sea Eagles 30-4  
Works Tigers def Hawks 22-4

**B GRET:**  
Tarakum def Vanimo Fores 24-4  
Sea Eagles def Difens 5-4  
Hawks def Works Tigers 13-4

em pilai i kamap strong tru long tupela sait wantaim. Tasol planti taim Tigers i pulim pilai i stap long eria bilong Hawks tasol. Hawks tu i traim long brukim fowat lain bilong Tigers. Tasol ol Tigers pilaia i strong yet long takol, na sanapim strongpela banis.

Ol pilaia bilong Tigers i strong moa na skoarim wanpela trai bilong namba tu hap. Dispela trai i kamap long wanpela minit bipo long ful taim. Hawks i no skoarim wanpela trai long namba tu hap.

bagarapim sindaun bilong Difens 5-4, na Hawks i mekimsave long Works Tigers 13-4.



## Tarakum bungim Hawks long wiken

GUTPELA bikpela A gret gem bilong Vanimo Lig long dispela wiken bai i kamap namel long Tarakum wantaim Hawks.

Tupela tim wantaim i bin lusim gem bilong tupela long las wiken: Tarakum i salim kaikai long Vanimo Fores 12-43, na Hawks i laik pilai krangi liklik na go daun long pawa bilong Works Tigers 4-22.

Dispela wiken tupela bai i bung long lukim husat bai i gat pawa yet long go insait long fainal.

Hawks em i wanpela nem tim

bilong Vanimo Lig resis. Tasol sampela asua i kamap nau long em. Olsem na em i no pilai gut tumas olsem las wiken.

I gat bikpela olsem Hawks bai i winim dispela gem. Dispela em sapos ol pilaia bilong em i no pilaim krangi stail olsem las wiken.

Long ol arapela A gret gem bilong dispela wiken, Sea Eagles bai i bungim strongpela salens bilong Works Tigers, na Difens bai i traim pawa bilong em wantaim Vanimo Fores.

# VIPERS BUNGIM MURUKS NAU



• James Naipao (lephan) wantaim Emei bilong Vipers i lak helpim wan pilaia bilong tupela egensim Warriors long las wiken. Warriors i winim dispela inta siti gem 21-20.



• Winga bilong Vipers, Pei Mafu i makim han na wetim Dominic Bre long kirap hariap na pilaim bal. Hap bek Sauna Babago (gras tanim) i wet long hap salt tru.

## INTA SITI RIPOT:

MOSBI Vipers bai i bungim Mendi Muruks long las raun bilong 1991 Sp Inta Siti KAP resis long Lloyd Robson Oval, Mosbi long dispela wiken.

Vipers i lukluk nau long winim dispela gem. Bikos las wik Sika Kundiawa Warriors i bagarapela sindaun bilong em 21-20. Tupela i bin bung long Kundiawa yet.

Nau yet Vipers i gat ol nupela pilaia bilong strongim tim. Ol pilaia husat i joinim tim long namba tu raun bilong Inta siti resis em Pei Mafu bilong Wes, Jack Urakok bilong Difens, Elias Paiyo bilong Fairstar Tarangau, na Daroa "Duffy" Ben Moide bilong Paga Panthers.

Planti olpela Vipers pilaia i no pilal bikos ol i no kamap long trening o i no putim kamap gutpela gem long ai bilong ol Vipers selekta na menesmen. Narapela as tu em planti pilaia i kisim bagarap.

Ol pilaia husat bai i no inap pilal long dispela wiken em Phillip Boge, Johannes Kola, Kera Ngaffkin, Tuksy Karu, Danny Mol, Kini Tani, na James Miviri.

Dispela Sande kepten na faiv et pilaia, Stanley Haru bai i go pas long ol dispela pilaia long winim las gem egensim Muruks, bipo fainal i kamap.

Vipers i noken malolo bikos Wamp Nga Hagen Eagles i stap klostu nau long 13 poin. Na Vipers i stap yet long 14 poin, bihain long lus bilong las wiken.

Dispela wiken Mendi Muruks bai i salim strongpela tim i kam daun long Mosbi bilong pilal. Maski ol i winim dispela gem o lusim, ol bai i

no inap kamap gen long resis bilong fainal.

Planti pipel bai i kamap long lukim gem bilong Muruks long namba wan taim. Bikpela prop na kepten Kore Seeto yet bai i go pas long ol arapela yangpela pilaia long fowat lain. Em bai i kisim bikpela helpim tu i kam long Kevin Kapipi na William Amos.

Long beklain em Kumul winga, Joe Raima yet bai i lukautim wantaim helpim bilong senta, James Sikai na Anton Mal. Mendi i gat bikpela bilip long winim Vipers long dispela gem.

Beklain bilong Vipers bai i stap aninit long lukaut bilong faiv et Stanley Haru, hap bek Sauna Babago, na insait senta Richard Wagambie.

Wagambie husat bai i go pas long beklain bai i bungim sapot wantaim ausait senta Joshua Kouoru, na tupela winga, Jack Uradok na Pei Mafu. Wagambie na Joshua em ol Mendi Muruks pilaia i mas lukaut gut long tupela.

Strong bilong Vipers bai i stap long ol beklain pilaia. Oisem na Muruks bai i mekim olgeta samt-ing em i ken long banisim ol beklain pilaia.



• Dominic Bre bilong Vipers i bungim strongpela takol bilong ol Kundiawa Warriors long Inta siti resis las wiken. Warriors i win 21-20 long Kundiawa.

# Winfield League '91

# SPAK MAIK

HENRI KRAI NOGUT TRU... JUNIA I GO HOLIM EM NA TOKIM EM STRET...

KROS BILONG HENRI I PINIS... EM STAP GUT WANTAIM FAMILI BILONG EM...

NAU EM WANTAIM FAMILI TEK-OFF I GO LONG TAUN...



OL IKAMAP LONG TAUN... EM SARERE NA OL MAN I PULAP STRET...

KLOSTU LONG SUPAMAKET NA JUNIA LUKIM LIKLIK HAUS BILONG LAKI TIKET NA EM LAIK TRAIM LAKI...

NAU HENRI GIVIM MONI LONG JUNIA NA EM GO INSAIT LONG SUPAMAKET WANTAIM MAMA BILONG JUNIA...



## PERSONAL LOANS

Husat i halivim yu long kism ol samting yu laikim tru?

Sapos yu laikim nupela ka o ol samting bilong haus, PNGBC ken givim yu dinau long baim ol dispela samting.

Yu mas gat gutpela wok na sampela seving long haus moni. Na i no hat tumas long bekim dispela dinau.

Askim long haus moni bilong PNGBC. Bai mipela halivim yu long kism ol samting yu laikim - emi tru!





# REBO na AUIDA

NA LONG SARERE ... TIM BILONG EM I LUS KRANGI STRET... OL S.P.BENK I BAGARAPIM OL STRET...

G\*?!? REBO I NO STAP OLEEM NA OL I BIKHET!

TRIPELA MUN I GO PINIS NA REBO I ORAIT... NAU LONG WANPELA MONING REBO I SINDAUN RITIM BUK I STAP NA DOKTA I KAM...

MONING, REBO! YU ORAIT, AZ... GUT NILUS LONG YU... YU PINIS LONG HAUSSIK NAU...

TRU AZ!

EMILY WOK PINIS NA GO BEK LONG HAUSSIK LONG APINUN NA KIRAP NOSUT LONG LUKIM REBO I DRESAP I STAP...

HOI, MAILEWA! YU HARIAP TRU LONG GO, WE?

HA! HA! HA! YU NO SAVE?... MI PINIS LONG HAUSSIK, NAU!

TUPELA KAMAP LONG HAUS... REBO I AMAMAS TRU LONG LUKIM HAUS BILONG OL...

EM NAU, WELKAM BEK LONG HAUS!

HAAA MAI SWIT HOM, YA!!

LONG NEK'SDE REBO I NO WET LONG GO BEK LONG OPIS... EM NAMBAWAN MAN TRU LONG GO KAMAP LONG OPIS...

MAN, TRIPELA MUN MI STAP LONG HAUSSIK NA WOK I PULAP TRU, YA!


BOS I HARIAP HARIAP LONG GO INSAIT LONG OPIS BILONG EM NA EM I NO LUKIM REBO I SINDAUN I STAP... REBO SINGAUT LONG EM.

MONING BOS!


HAAH, REBO? WELKAM BEK!!

## OL SAVEMAN BILONG BISNIS YUSIM OL!


### Lister




LT1 5 K.V.A.  
 ● TOTALLY PORTABLE ENERGY SOURCE  
 ● IDEAL UNIT FOR VILLAGE LOCATIONS



TS2 8.5 K.V.A.  
 ● 3 PHASE OR SINGLE PHASE POWER  
 ● COMPACT AND EFFICIENT



HR3 26.25 K.V.A.  
 ● IDEAL COMMERCIAL BACKUP SYSTEM



CS6 58 K.V.A.  
 ● INDUSTRIAL CAPACITY  
 ● WILL HANDLE MAXIMUM DEMAND FOR POWER ANYTIME

# Brian Bell Stores

- BOROKO — 25 5411
- LAE — 473377
- GOROKA — 72 1098
- MT. HAGEN — 52 1999
- RABAU — 92 1966

# Phantom



# Flash Gordon


Hot bilong pala i mekim na Zarkov husat i hap Indal i kirap



# MICKY MOUSE



# ADEC QUARTZ



BDO-737-11  
K96.00



AZO-314-11  
K80.00



AZO-314-51  
K80.00



AZO-322-51  
K92.00



AZO-322-81  
K92.00



AZO-331-61  
K89.00



AX1-018-11  
K72.00



AX1-018-51  
K72.00



BCO-421-10  
K64.00



BCO-421-50  
K64.00



BCO-529-10  
K72.00



BCO-529-50  
K72.00



BCO-529-80  
K72.00



BCO-626-10  
K64.0



BCO-626-12  
K64.00



BCO-626-52  
K64.00



AW1-110-11  
K72.00



AW1-128-11  
K88.00



AW1-128-81  
K88.00



AU3-413-11  
K64.00



AU3-413-51  
K64.00



AU3-421-51  
K80.00



AU3-421-81  
K80.00



AE1-815-20  
K40.00



AE1-815-22  
K40.00



BF1-823-10  
K56.00



BF1-823-14  
K56.00



BF1-823-50  
K56.00



BD0-931-10  
K80.00



BD0-931-50  
K80.00



BD1-024-12  
K88.00



AZO-641-50  
K80.00



AZO-641-80  
K80.00



AZO-110-50  
K90.00



AZO-730-50  
K80.00



AV1-530-50  
K80.00



AV1-432-50  
K72.00



AV1-319-50  
K72.00

## PORT MORESBY WATCHMAKERS

P.O. Box 1261, Boroko  
Showroom : Brian Bell Plaza, First Floor  
Telephone: 25 6091, 25 6044  
Facsimile: 211391  
(WHOLESALE ENQUIRIES ALSO WELCOME)



# Wantok

Digitized version made available by



**Copyright:** Under copyright

**Rights Holder:** Word Publishing Company Limited

**Use:** This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

**Constraints:** This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

**Note on digitized version:** Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.